

國

朝

列

卿

紀

國朝列卿紀卷之一百二十五

巡撫大同兼理軍務

大同古并州之地戰國屬趙秦爲雲中歷代並置郡治領州縣
五代沒於遼遼後陞爲西京金因之元改置大同路入一國朝
改爲府設衛所屯重兵以控沙漠自永樂六年始遣都御史史
仲成出鎮尋回院歷正統元年邊塵肇起 廷議大同與宣府
二鎮共設巡撫大臣一員至景泰三年北虜日橫干擾爲患大
同始專設巡撫一員遣都御史年富秉鉞其地天順三年以邊
患稍息又議與宣府同設巡撫至成化十年又照景泰三年例
仍專設相沿至今其地川原平衍故多大舉之寇西則平虜威

遠中則右衛水口等處皆稱要害蓋虜南犯朔應諸城必窺之路也東則天城陽和爲虜入順聖諸處之衝而平虜西連老營堡與偏關近虜纔出套便涉其境故大同稱難守焉先年邊政嚴明警備差緩自多故已來大邊已失二邊之內棄爲王庭墩軍驕情警報不明至有與虜通貨入而後報者他可知矣因地利修人事爲國家千城爲京師屏翰寧無望於秉鉞之臣也哉今詳各官宦履於後其行實見於事紀其勲德茂著者表爲列傳

國朝列卿紀卷之一百二十五

勅使大同左右都御史侍郎年表

沈

固

直隸丹陽人鄉舉正統六年以戶部侍郎總督大同軍儲十四年陞右都叅軍事景泰二年加左都

馬

昂

直隸滄州人鄉舉天順元年以左都御史巡視大同山西

胡

瓚

直隸永年人弘治癸丑進士正德十一年以左僉都巡撫嘉靖四年以戶部左侍郎經畧大同兵變

巡撫大同左右副僉都御史年表

史仲成

陝西安化人進士永樂六年以右僉都御史出鎮大同七年回院

李儀

順天涿州人永樂中鄉舉正統元年以右僉都御史撫宣大二年被逮卒

盧睿

浙江東陽人進士正統二年以右僉都御史巡撫宣大

羅亨信

廣東東莞人進士正統五年以右僉都御史撫宣大十三年加左副都御史景泰元年致仕

任寧

陝西臨潼人進士景泰元年以右僉都御史撫宣大二年被劾去任

年富

直隸懷遠人進士景泰三年以左副都御史專撫大同天順元年下獄

李秉

山東曹縣人進士天順二年以右僉都御史撫大同三年致仕

王宇

河南祥符人進士天順三年以左副都御史撫宣大四年丁憂

韓雍

直隸長洲人進士天順四年以右僉都御史撫宣大

王越

直隸濬縣人進士天順七年以右副都御史撫大同成化元年養病五年起撫宣大

鄭寧

河南祥符人進士成化六年以左僉都御史撫宣大本年開任

林聰

福建寧德人進士成化七年以右都御史撫宣大

殷謙

順天涿州人進士成化八年以右副都御史撫宣大

以後大同專設

董

方

順天涿縣人進士成化十

張

鎔

直隸華亭人進士成化十

李

敏

河南襄城人進士成化十

孫

洪

山東昌邑人進士成化十

郭

鎰

山東恩縣人成化丙戌進士十

左

鈺

直隸阜城人進士成化二

葉

淇

直隸山陽人進士成化二

許

進

河南靈寶人進士弘治

侯

恂

陝西白水人進士弘治

劉

璫

山東濟南衛人進士弘治

洪漢 山東章丘人成化壬辰進士弘治十一年

劉宇 河南鈞州人進士弘治十三年以右

周南 浙江縉雲人進士弘治十八年以

歐信 順天薊州人成化甲辰進士正德元

崔巖 湖廣郴州人進士正德二年卒於官

熊偉 直隸萬全右衛籍江西新建人弘治丙辰

王綸 山東濱州人成化丁未進士正德

張禴 順天平谷人進士正德五年

馬中錫 直隸故城人進士正德五年

石玠 直隸藁城人進士正德六年以右副都御史任

謝

綬

山東朝城人成化甲辰進士正德七年以右僉都御史任本年卒於官

公勉仁

七年

山東蒙陰人進士正德七年以右僉都御史任

高友璣

浙江樂清人進士正德八年以右僉都御史任

王憲

山東東平人進士正德十年以右僉都御史任

胡璣

直隸永年人進士正德十一年以左僉都御史任

楊志學

彭城衛籍湖廣長沙人進士正德十三年以右僉都御史任

張文錦

山東安丘人遼東廣寧衛籍弘治己未進士嘉靖元年以右僉都御史任三年激變叛軍被害

李鐸

山東萊陽人弘治壬戌進士嘉靖三年以右僉都御史任本年丁憂

蔡天祐

河南睢州人弘治乙丑進士嘉靖三年以右僉都御史任七年加兵部左侍郎兼僉都御史仍前任九年回籍十三年再起以疾

辭尋卒於家

王大用 福建興化衛籍直隸儀真人進士嘉靖九年以右僉都御史

王潮 直隸丹徒人進士嘉靖十年以右副都御史任

何棟 陝西長安人進士嘉靖十一年以左僉都御史任十二年降一級

潘倣 河南洛陽人正德辛未進士嘉靖十二年以右副都御史任本年軍叛革為民

樊繼祖 山東鄆城人正德辛未進士嘉靖十二年以右僉都御史任十四年加右副都

史道 順天涿州人正德丁丑進士嘉靖十五年以左僉都御史任十六年加右副都十八年又加兵部右侍郎兼僉都御

史二十

年丁憂

龍大有 湖廣茶陵人正德丁丑進士嘉靖二十年以右副都御史任二十一年劾免謫戍

趙錦 順天良鄉人正德丁丑進士嘉靖二十一年以右副都御史任

詹瑩 直隸山海衛籍福建龍溪人嘉靖丙戌進士二十三年以右副都御史任

李仁 山東東阿人嘉靖癸未進士二十七年以右副都御史任二十八年降邊方雜職

陳耀 直隸靜海人嘉靖丙戌進士二十八年以右僉都御史任二十九年下獄卒

何思 直隸雄縣人嘉靖壬辰進士二十九年以右僉都御史任三十年養病

侯鉞 山東東阿人嘉靖辛丑進士三十年以右僉都御史任三十一年調任

於敖 陝西岷州衛籍正德辛丑進士嘉靖三十一一年以鎮守昌平平右僉都陞未任

齊宗道 遼東籍山東日照人嘉靖戊戌進士三十一年以右僉都御史任三十三年聽調

王忬 直隸太倉人嘉靖辛丑進士三十三年以右副都御史任

楊順 山東德州衛人嘉靖辛丑進士三十四年以右僉都御史任

朱笈 直隸洹源人嘉靖丁未進士三十六年以右僉都御史任三十七年閑住

楊選 山東章丘人嘉靖甲辰進士三十七年以右僉都御史任本年丁憂

李文進

四川巴縣人嘉靖乙未進士三十七年以右僉都御史任

楊選

見前嘉靖三十九年以右僉都御史再任

陳其學

山東登州衛人嘉靖甲辰進士四十年以右僉都御史任

劉燾

直隸天津衛人嘉靖戊戌進士四十二年以右僉都御史任

張邦彥

山東臨朐人嘉靖丁未進士四十二年以右僉都御史任四十五年回籍聽調

張志孝

山東濟寧人嘉靖癸丑進士四十五年以右僉都御史任

劉祐

山東掖縣人嘉靖癸丑進士隆慶元年以右僉都御史任二年養病

朱笈

見前任隆慶二年以右僉都御史再起未任

李秋

見遼東巡撫順天薊州人嘉靖丁未進士隆慶三年以右僉都任

方逢時

湖廣嘉魚人嘉靖辛丑進士隆慶三年以右僉都御史任

劉應箕

四川巴縣人嘉靖甲辰進士隆慶四年以右僉都任

申佐

直隸永年人嘉靖丙辰進士萬曆二年由和陽參政兼兵備僉事陞右僉都三年自陳調別用

鄭洛

直隸安肅人嘉靖丙辰進士萬曆三年由巡撫山西任四年加右副都仍任六年陞兵部右侍郎

賈應元

順天遵化人嘉靖壬戌進士萬曆六年由按察使陞右僉都任九年加右副都仍任十年陞兵部右侍郎

胡來貢

山東萊州籍秦州人隆慶戊辰進士萬曆十年由山西按察使陞右僉都任十二年加右副都仍任十五年調

鄧林喬

四川內江人嘉靖乙丑進士萬曆十五年由陝西右布政陞右僉都任十六年丁憂

王基

山東青州左衛籍萊陽人嘉靖乙丑進士萬曆十六年由浙江左布政陞右副都任十八年陞兵部右侍郎

邢玠

山東益都人隆慶辛未進士萬曆十八年由山西副使陞右僉都任

勅使大同左右都侍郎都御史行實

沈固字仲威直隸鎮江府丹陽縣人鄉舉歷山東右叅政仁

宗登極命以本官叅政同武安侯鄭亨督軍事鎮大同賜璽書以行宣德丙午命與鄭亨及都指揮曹儉統兵行邊設險爲禦寇計規畫皆出於固宣宗嘉之正統六年命兼綜理及總督大同軍儲七年加戶部右侍郎十四年陞右都御史叅謀大同軍事景泰二年以功陞左都御史仍前任尋赴關議事因乞致仕從之在大同身任邊寄之重二十七年器完識遠恢廓多籌略臨危處變極敗抹債卒完成鎮天順元年璽書赴召入觀上延見便殿卽日拜戶部尚書詳戶部

馬昂字景高直隸河間府滄州人鄉舉天順元年以左都御史
巡視山西大同等處本年回都察院歷兵部戶部尚書詳戶部
胡瓚字伯珩直隸永年人弘治癸丑進士正德 年任南京大
理寺丞九年陞大理寺右少卿十年轉左少卿十一年以都察
院左僉都御史巡撫大同剔蠹除奸宗室有貽毒地方疏其罪
錮之復上邊務六事 武宗幸大同虜大入寇與戰破之 賜
璽書褒美及蟒衣三襲上疏極論請回鑾不報因乞休歸辛巳
起操江留都嘉靖癸未陞南京刑部侍郎尋改北乙酉大同兵
變命以戶部左侍郎提督軍務偕都督滑繼統兵往援方略於
都督桂勇朱振擒首惡誅之詳南京工部

巡撫大同左右副僉都御史行實

史仲成字

陝西慶陽府安化縣人洪武中國子生擢監察

御史陞山西按察僉事革除中改桂林府同知有政績永樂元年陞都察院右僉都御史六年出鎮大同七年回院詳都察院李儀字順天府涿州人宣德間以薦舉授戶部主事歷九江府知府正統元年以右僉都御史巡撫宣大二二年逮繫而卒詳宣府巡撫

盧睿字仲思浙江金華府東陽縣人永樂辛丑進士正統二年以右僉都御史巡撫宣大至則嚴法令剷蠹弊節浮費廣儲蓄摧強撫弱時北虜入貢勢頗張上言馭戎之道要在恩威兼

順陽公集系 卷之三
濟恩不施無以懷遠武不振無以示威識者是之六年改撫寧
夏詳寧夏巡撫

羅亨信字用實廣東廣州府東莞縣人永樂甲申進士授工科
給事中正統五年以右僉都御史巡撫宣大十三年加右副都
御史十四年陞左副都御史俱仍舊巡撫景泰元年致仕詳宣
府巡撫

任寧字

陝西西安府臨潼縣人正統壬戌進士景泰元年

以右僉都御史代羅亨信巡撫宣大二年去任詳宣府巡撫

年富字大有直隸鳳陽府懷遠縣人永樂辛酉鄉薦景泰三年
以河南左布政陞左副都御史專巡撫大同提督軍務兼理邊

儲時軍民瘡痍未復室家離散呻吟之聲不絕乃極力招撫舉廢政革科徵抑豪橫贖屯田軍民始有更生之望初倉庫所儲多爲勢要侵敎富至悉追復之由是軍旅數興穀錢不乏時征虜大將而下多納賂冒功富至悉核實不錄故爵賞無濫及者景泰乙亥丁外艱 朝廷以邊警方急奪哀視事懇乞終制不允天順元年忤權奸致仕尋起南兵右侍歷戶部尚書詳戶部李秉字執中山東兗州府曹縣人正統丙辰進士天順二年以右僉都御史任痛革諸弊羣情度不能容乃以事中之三年致仕後起南院八年陞右副都御史未幾擢左都御史掌院尋命整飭大同諸路邊務適達賊入寇秉率軍戰於鳳凰山擒獲人

畜萬計成化丁亥拜吏部尚書詳吏部

王宇字仲宏河南開封府祥符縣人正統己未進士天順三年以巡撫宣府左副都御史命兼撫大同地方時石亨與姪彪以舊鎮之地索取橫甚宇劾之爲大奸大蠹聞者嘆服四年丁憂後起大理寺卿見宣府巡撫詳大理寺

韓雍字永熙直隸蘇州府長洲縣人正統壬戌進士天順四年以右僉都御史巡撫宣大七年改專撫大同遷兵部右侍郎見宣府巡撫

王越字世昌直隸大名府濬縣人景泰辛未進士任山東按察使大順七年以右副都御史巡撫大同力修廢政爲攻守計邊

人賴之成化元年以疾家居五年又命巡撫宣府大同六年改鎮延綏見宣府巡撫

鄭寧字

河南祥符人正統壬戌進士

年歷四川左布政

使成化二年陞太僕卿六年以左僉都御史撫宣大本年開任林聰字季聰福建寧德人正統己未進士成化七年以右都御史巡撫宣大號令明肅勸懲有法八年致仕詳刑部尚書

殷謙字文攜順天涿州人正統己未進士成化七年任山東左布政八年以都察院右副都御史巡宣府大同十年命專撫宣府詳戶部尚書

以後大同專設巡撫遂爲定制

董方字仲矩順天府涇縣人正統乙丑進士授大理寺評事成化元年任刑部右侍郎九年陞都察院右都御史十年出鎮大同至則飭官吏謹備禦嚴操練清屯種邊鄙不聳十一年陞刑部尚書詳刑部

張鑒字廷器直隸松江府華亭縣人正統戊辰進士成化十一年以右副都御史任斬首虜奪兵械築城浚濠清理屯種虜酋乂加思蘭知有備請入貢許之十三年陞刑部右侍郎詳南京兵部

李敏字公勉河南開封府襄城縣人景泰甲戌進士任四川左布政成化十三年以右副都御史任先是虜每戕害守墩軍士

敏設伏擒之自是虜不敢犯山東河南運糧者率倍費敏計歲會外令人銀給將士以其餘市戰馬十五年遷兵部右侍郎歷總督漕運巡撫保定戶部尚書詳戶部

孫洪字
山東萊州府昌邑縣人景泰甲戌進士授兵部主事成化十五年由河南左布政使陞右副都御史任十七年遷撫河南詳河南巡撫

郭鏜字
山東東昌府恩縣人成化丙戌進士擢兵科給事中十二年陞兵科都給事中十七年任都察院右僉都御史巡撫宣府十八年改撫大同二十年致仕

左鈺字廷珍直隸河間府阜城縣人景泰癸酉舉人拜御史歷

陝西按察使成化二十年以巡撫遼東右僉都御史改任二十三年回院歷撫山西詳山西巡撫

葉洪字本清直隸淮安府山陽縣人景泰甲戌進士擢江西道御史歷巡撫山西右僉都成化二十二年以右副都御史任二十三年遷戶部右侍郎歷左侍郎尚書詳戶部

許進字季升河南河南府靈寶縣人弘治元年以右僉都御史任時北虜擁衆入貢進防範嚴待遇厚請帑銀供館穀費而人不擾條陳四事又開種引鹽邊儲充實奏黜害軍指揮於容等武邑王兇縱奏廢爲庶人再陳邊事八條舉謀勇將官張安等劾太監石岩貪暴被岩中傷三年忤中官降兖州知府歷吏部

尚書詳吏部

侯恂字

陝西西安府白水縣人成化丙辰進士弘治四年

以山東按察使陞右僉都御史任九年致仕後起南院左僉都御史詳南院

劉獻字

山東濟南衛籍江西安福人成化己丑進士授主

事弘治九年以右僉都御史任十二年劾回改大理寺左少卿歷巡撫遼東右副都御史詳遼東巡撫

洪漢字

山東濟南府章丘縣人成化壬辰進士授工部主

事歷員外郎郎中陞江西左叅政以平徭功遷陝西左布政使弘治十一年陞都察院右副都御史巡撫大同十三年以邊帥

失利落職

劉宇字志大河南開封府鈞州人成化壬辰進士任山東按察使弘治十三年以薦陞右僉都御史任十四年以功陞右副都御史仍舊任十八年陞右都御史提督宣大軍務累官吏部尚書入閣詳內閣

周南字文化浙江處州府縉雲縣人成化戊戌進士授六合知縣擢御史歷江西右布政使弘治十八年以右副都御史任正德元年忤逆瑾回籍爲民歷總制兩廣右都御史詳兩廣總制歐信字順天府薊州人成化甲辰進士授戶部主事弘治

年陞戶部員外郎

年陞戶部山西司郎中

年陞浙江左

叅政十年陞山東右布政使十七年調河南右布政使十八年陞山東左布政使正德元年陞都察院右副都御史巡撫大同地方二年卒於官

崔巖字民瞻湖廣郴州人成化辛丑進士歷河南左布政正德二年以右副都御史任三年改撫陝西歷工部左侍郎詳工部熊偉字直隸萬全右衛籍江西新建人弘治丙辰進士正德元年任右通政三年陞都察院右僉都御史巡撫大同地方四年免

王綸字山東濟南府濱州人成化丁未進士正德四年任南京禮部右侍郎本年改都察院右副都御史巡撫大同地方

五年致仕

張禴字

禴弟順天府平谷縣人弘治己未進士正德四年

任太僕寺卿五年以右僉都御史任本年謫泗州知州後起撫遼東詳遼東巡撫

馬中錫字天祿直隸河間府故城縣人正德五年以兵部侍郎兼僉都御史任諸所興革一如宣府時宗室有逆去任郡倖而奪其資者中錫廉知疏請坐罪竟還所任威名赫然六年遷右都御史征流賊歷左都御史詳都察院

石玠字邦秀直隸真定府藁城縣人成化丁未進士正德五年任山西左布政使六年以右副都御史任玠久歷邊陲習諸戎

務將領而下量才任使皆得其宜間有違法裁以大體不爲深文小刻致人爭盡力邊境用寧七年陞兵部右侍郎歷左侍郎戶部尚書詳戶部

謝綬字

山

山東東昌府朝城縣人成化甲辰進士授任丘知

縣弘治元年擢南道監察御史

年

丁憂

年

補北道七年陞

湖廣副使尋丁憂正德二年忤逆瑾罰粟調四川五年陞南京太僕寺少卿六年陞大理寺左少卿七年陞都察院右僉都御史巡撫大同地方本年卒於官

公勉仁字

山

山東青州府蒙陰縣人弘治庚戌進士歷四川

左叅議正德七年以右僉都御史八年回籍後起撫鄖陽詳鄖

陽巡撫

高友璣字肅政浙江樂清縣人弘治庚戌進士授南京刑部主事正德七年任陝西右布政八年陞右副都御史任所至達政體赫赫有聲風采峻整貴倖數見裁抑坐是得禍十年降湖廣副使累官刑部尚書詳刑部

王憲字維綱山東東平州人弘治庚戌進士歷大理左寺丞正德十年以右僉都御史撫治鄖陽改任十一年改撫陝西歷兵部尚書詳兵部

胡瓚字伯珩直隸廣平府永年縣人弘治癸丑進士歷大理寺左少卿正德十一年以左僉都御史任興利革弊陳邊務六事

區畫周悉 武宗駕幸雲中值虜大舉璣躬事行陣斬獲甚衆
捷聞 賜蟒衣白金十三年養病後起歷南院操江刑部右侍
郎戶部左侍郎見前勅使詳南京工部

楊志學字



彭城衛籍湖廣長沙府長沙縣人弘治癸丑進

士正德十三年以右僉都御史任嘉靖元年三月志學上言
軍民缺食公私匱乏強悍聚爲盜賊肆行劫掠北虜近邊住牧
警報日聞乞亟爲議處部議於該鎮量增月糧折色每石一兩
按月支給候麥熟停止又請動支沒官銀二十萬作速運赴該
鎮趁時糴買米豆與折銀相兼支放仍發大倉銀六萬分委司
屬於該鎮召商糴買巡撫官設法兌運以備兵馬支用

士盡行退還編入屯田召種辦納子粒通行各邊一體遵行從之尋養病後起歷寧夏巡撫刑部左右侍郎尚書詳刑部

王文錦字

山東青州府安丘縣人弘治己未進士授戶部

主事歷員外郎郎中正德十一年陞安慶知府會逆濠之變十

五年以城守功論陞太僕寺少卿嘉靖元年陞都察院右副都

御史巡撫大同地方二年激變叛軍被害

李鐸字

山東兗州府萊陽縣人弘治壬戌進士授行人正

德三年擢戶科給事中五年陞戶科右給事中六年陞刑科左

給事七年陞刑科都給事中九年陞南京大理寺右寺丞十

一年改大理寺右寺丞十三年陞左寺丞十四年陞右少卿本

年陞左少卿十六年陞都察院右僉都御史巡撫宣府地方嘉靖元年宣大連年饑荒軍士鼓噪求糧鐸言其狀得旨二鎮量增月糧每石折銀一兩按月支給俟麥熟停止三年改無大同本年丁憂未任

蔡天祐字



河南開封府睢州人弘治乙丑進士改翰林庶


吉士正德二年丁憂四年擢吏科給事中七年陞福建僉事十一年陞山東右叅議十五年陞遼陽兵備副使十六年陞陝西右叅政嘉靖二年陞山西按察使三年陞都察院右僉都御史巡撫大同四年陞右副都御史七年加兵部左侍郎兼僉都御史仍前任九年召還兵部以人言回籍十三年再起以疾辭尋

卒於家壽九十五

王大用字時行福建興化衛籍直隸揚州府儀真縣人正德戊辰進士授工部都水主事歷應天府尹嘉靖九年以右副都御史任十年時兵饑乾耗悍卒數戕害主將拜撫者多難之公毅然獨往尚教化禁淫酗汰浮冗課墾耕嚴開中以通商鹽營墜落以備哨望剿平強寇劉善果 欽賞銀十兩紵絲一表裏疏

陳備邊四事一議遊擊二員各分城兵三千高坐城站不出按伏徒費行糧罷之便一議奸商糴買糧草展轉侵盜腳價難賠改令有力軍官領糧糴買貯給一議陽和平勝右衛既有叅將其屬有千總把總管隊等官今又設三守備占役頗衆兵力益

分俱應裁革一議大同三邊離鎮二百餘里二邊一百三十里
頭邊四十里近者應援可及遠者聲息難知宜移入二邊併守
爲便奉下兵部覆題俱報可時巡按御史張祿與公持禮尋爲
給事中秦鰲所論乃疏乞休荷 溫旨慰留有盡心軍務以肅
朝廷紀綱之褒及再疏乞休乃改撫順天等處遷都察院未任
致仕後起四川巡撫歷南刑右侍郎詳南京刑部

王潮字  直隸鎮江府丹徒縣人正德戊辰進士嘉靖十年
以右副都御史任十一年遷撫遼東歷南京大理寺卿南戶部
右侍郎詳南京戶部

何棟字伯直陝西西安府長安縣人正德辛巳進士嘉靖十年

任太僕寺卿十一年以左僉都御史任十二年降一級後起總督薊遼歷右都御史詳薊遼總督

潘倣字

河南河南府洛陽縣人正德辛未進士嘉靖十二

年任都察院右副都御史巡撫大同本年軍叛革爲民

樊繼祖字

山東兗州府鄆城縣人正德辛未進士嘉靖十

二年以右僉都御史任十四年加右副都御史仍舊任十五年回都察院十六年歷兵部左侍郎提督工程兵部尚書總督宣大以物議免再起工部尚書採木湖廣詳工部

史道字克弘順天府涿州人正德丁丑進士改翰林院庶吉士十四年擢兵科給事中性剛直敢言嘗疏論谷大用江彬誤國

國朝列卿紀卷之一百二十六

總督陝西三邊軍務都御史序

夫憲臣總督軍務者非古制也關中地接番胡爲國門戶自周
秦以降扼險屯戍代有其制我國家用夏變夷混一區宇於
陝西置都指揮使司以領衛所置總兵叅將遊擊守備以司攻
守又理以憲臣監以御史撫以都憲繫後邊備日弛烽火遂達
於內郡於是延綏寧夏甘肅三邊各設重鎮與陝西並稱要地
而險者在我矣天順五年虜寇莊浪特起都御史王竑經略邊
鄙遂寧成化四年固原滿四構變始命右都御史項忠總督固
原等處軍務然事畢則止未有專職雖成化六年八年九年以

後命都御史王越總制陝西諸路軍馬又命馬文升節制三邊然王越奉命出征文升以陝西巡撫節制亦未有專職至弘治十年火篩由花馬池寇平慶鳳臨鞏兵部建議陝西三邊宜得重臣專任其事開府固原特起左都御史致仕王越加太子太保總制陝西甘肅延綏寧夏軍務巡撫而下咸奉法令遵約東弘治十五年又命秦紱以戶部尚書兼左副都御史總制軍務遂爲定規嘉靖十九年避制字又改爲總督相沿至今是其委任特隆得承制以便宜從事不拘文法焉可謂重矣然陝西三邊提封數千里而番獍猖獗非復昔比加之兵苦鋒鏑民疲轉輸而債帥恒畜剝削之心貪夫曲爲尅扣之計使國之爪士

日轉於恤廼責之鼓勇生氣以挫強虜不其難哉故善謀國者
不徒攘外而尤以安內爲急則根本益培而全陝盡金湯也是
在司閫者加之意而已矣今詳各官宦履於後其行實見於總
論其勲德茂著者表爲列傳

國朝列卿紀卷之一百二十六

總督陝西三邊軍務尚書侍郎都御史年表

王

越

直隸諸縣人景泰辛未進士弘治十年以少保兼左都任十一年卒

泰

紘

山東單縣人景泰辛未進士弘治十五年以戶部尚書兼左副都任十七年回戶部管事

楊

一清

雲南安寧人成化壬辰進士正德元年以右都任二年養病

才

寬

北直隸遷安人成化戊戌進士正德四年以工部尚書兼左副都任五年卒

陳

震

陝西慶陽衛籍成化丁未進士正德五年以兵部左侍郎兼食都御史討真綏暫行總制三邊事

楊

一清

見前正德五年以原職再任本年陞戶部尚書歷吏部入閣

張

泰

北直隸肅寧人成化戊戌進士正德六年以右都任八年卒於官

鄧

璋

順天涿州人成化丁未進士正德九年以右都御史任十年致仕

彭澤 陝西蘭州軍籍弘治庚戌進士正德九年以左都任歷少保兼兵部尚書

陳天祥 直隸吳江人弘治丙辰進士正德十年以都察院左副都御史提督三邊軍務

李鉞 河南祥符人弘治丙辰進士正德十六年以兵部左侍郎兼金都任

楊一清 見前嘉靖四年以輔臣行邊歷內閣少師

王憲 山東東平人弘治庚戌進士嘉靖四年以兵部尚書兼右都任

王瓊 山西太原人成化甲辰進士嘉靖七年以兵部尚書兼右都任歷少師兼吏部尚書

府龍 浙江蘭谿人正德戊辰進士嘉靖十年以兵部尚書兼右都任歷太子太保吏部尚書

姚鎮 江蘇慈谿人弘治癸丑進士嘉靖十四年以兵部尚書兼右都任歷太子太保

劉大和 嘉靖戊辰進士嘉靖十五年以兵部尚書兼金都任歷太子太保兵部尚書

楊守 嘉靖辛未進士嘉靖十九年以兵部尚書兼右都任加太子少保二十二年丁憂

張 珩 山西石州人進士嘉靖二十二年以兵部右侍郎兼

曾 銑 浙江黃巖人嘉靖己丑進士二十五年以

王以旂 應天江寧人正德辛未進士嘉靖二十六年以兵部尚

賈應春 直隸真定人嘉靖癸未進士三十四年以兵部

王夢弼 山西代州人嘉靖乙未進士三十六年以兵

魏謙吉 直隸相州人嘉靖戊戌進士三十七年以右副

郭 乾 直隸任丘人嘉靖戊戌進士三十九年

程 軌 山東臨清人嘉靖戊戌進士四十年以

俞 時 河南光山人嘉靖戊戌進士四十一年

郭 乾 見前嘉靖四十三年以右都

陳其學

山東登州衛人嘉靖甲辰進士四十五年以兵部右侍郎兼倉部任本斗知右都司同路起督宣人

霍冀

山西孝義人嘉靖甲辰進士四十五年以兵部右侍郎兼倉部御史任後加右都御史仍前任

王崇古

山西蒲州人嘉靖辛丑進士隆慶元年以兵部右侍郎兼右倉部御史任加右都御史四年改宣大

王之誥

湖廣石首人嘉靖甲辰進士隆慶四年以右都御史兼兵部左侍郎任陞南京兵部尚書

戴才

直隸滄州人嘉靖甲辰進士隆慶四年以右都御史兼兵部右侍郎

石茂華

山東益都人嘉靖甲辰進士

董威

河南信陽人嘉靖辛丑進士

邵光先

山西沁安人嘉靖己未進士萬曆六年以兵部左侍郎兼倉部總督七年陞右都御史兼兵部右侍郎照舊總督九年

年丁

高文薦

四川成都右衛人嘉靖己未進士萬曆七年以兵部左侍郎兼右倉部御史總督十一年三月致仕

邵光先

見上萬曆十一年以原官總督十三年陞兵部尚書兼右副都仍任十六年加太子少保十七年卒

梅友松

四川內江人嘉靖乙丑進士萬曆十七年以兵部右侍郎兼右僉都總督

總督陝西三邊軍務尚書侍郎都御史行賢

王越字世昌直隸濬縣人景泰辛未進士擢監察御史左都冠
深性嚴急獨喜越凡諸道奏牘必令詳定每遇敷對明暢洪亮
英廟目屬之天順庚辰超擢山東按察使癸未大同有警徵爲右
副都御史以行越力修廢政爲攻守計邊人賴之成化改元以
疾告家居久之丁亥召署院事己丑出巡宣大庚寅奉命
出延綏至崖窯川擒賊四十餘人斬首百級遷左副都御史又
於黃草梁擒賊五人斬首百二十進右都御史壬辰以後往來
東西路及寧夏靖前後斬獲者倍之癸巳進左都御史賜蟒
衣一襲又出延綏韓家塢斬首二百八十餘時虜人居河套河

套者河之隈也廣袤數千里草薦豐茂產獸肥美前代及國初
累砌城壘置兵戍守後弛防虜遂占居出沒無時邊坐茲大
困越諜知虜它掠遺老弱於廬選精騎萬餘自出塞齊七日糧
盡伏夜行每二舍伏兵數百人使行伏四日天未明至虜帳萬
騎齊蹕之縱火且擊且射斬首三百級奪其馬牛羊器械無筭
其廬穴焚如無遺比午虜自外趨歸哭聲登於天悉力追軍越
結陳徐行殿者與戰及前伏兵起又與戰虜再遇伏知我有備
大慟渡河而遜自是邊無患者二十年甲午加太子少保增從
一品祿掌院事越抗言將士功大賞輕乞移已官償之不報丁
酉加太子太保兵部尚書兼左都御史增一品祿庚子附太監

汪直出大同襲破威寧海擒虜男女百七十人斬首四百級封
威寧伯歲祿一千二百石仍兼左都御史辛丑出寧夏擒賊十
人斬首百餘進太子太傅兼左都威寧伯總伍軍營署前軍都
督府事提督團營未幾出佩將軍印充總兵官進鎮大同十八
年移鎮延綏臺臣劾越生事夷狄作詩怨望尋罷居安陸爲民
弘治改元越上書自列 詔許還鄉甲辰復除左都御史致仕
丁巳兵部言陝西三邊宜得重臣專任其事僉舉二人皆弗稱
旨以越對乃許之亟召至京引見勞賚 恩禮殊異加太子太保
總制甘肅寧夏延綏軍務鎮守巡撫而下悉聽節制事有未盡
便者請易置之乃行至則以虜別部居塞外後者數出抄掠

帥兵擣之斬首百餘還所掠人畜器械甚衆上降勅獎諭加少保兼太子太傅越又言哈密爲土魯番所破久弗繼近番酋吐魯引罪還所侵地宜封其故王以守之疏上數月未報越慮泄事機焦勞成疾卒於戊午十二月一日年七十有三贈太傅謚襄敏詳都察院

秦紘字世纓山東兗州府單縣人景泰辛未進士弘治十五年以戶部尚書兼左副都御史總制陝西三邊軍務至則秦陞開城縣爲固原州明年冬甘涼諸路備禦官軍以資乏乞休息武安侯鄭英以爲虜酋在套不可紘曰時草枯馬瘠虜必不至已而果不至所省芻餉甚多嘗謂守邊之策惟戰與守乃推演古

法造兵車置火器修豫望石峽口雙峰臺三城於金佛峽海子口七堡斃石爲垣裹鐵爲門及築下馬房邊城三百餘里皆以絕虜道衛民居焉是年夏又命二邊與其腹裏修城堡關隘一萬四千一百九處剋崖設險三千七百餘里自是北虜絕窺伺時固原城市荒稀民窮乃拓其外城奏移批驗鹽所於此由是商賈流通公私兩便又創修孔廟廣學舍詩書之化人材彬彬相繼出矣在任三年邊功孔多旣去軍民不忍忘爲立祠祀焉至今言總制經略之功必以茲爲第一十七年加太子少保本年召改戶部尚書理部事未任乞休致卒贈少保諡襄毅爲時名臣詳戶部

楊一清字應寧湖廣岳州府巴陵縣籍雲南安寧人後占籍鎮江丹徒舉奇童登成化壬辰進士二十三年任山西提學僉事丁憂弘治四年補陝西提學僉事七年加副使善於其職爲國家提學之最久之召爲提督四夷館大常寺少卿轉南京太常寺卿後以都御史督理馬政遍訪朝野之人得其利病然後之任行其所知擇材任使旌別淑慝故官勸政舉宿弊以革又處置牧馬茶鹽馬實濟邊用十七年清出荒熟牧地凡十二萬八千四百七十三頃一十二畝有餘本年奏准每年於陝西按察司揀用憲臣一員於臨洮府駐劄巡茶馬又奏准選用取都布按官三員候委任及填註鞏昌平涼府同知官不時聽委十八

年題准招商自出資本買茶裝運茶司每千斤給價銀五十兩
大約計官銀萬兩舊買馬不過千匹今可得馬幾三千匹其利
在官與開中商茶不同其事例至今以爲便甲子虜賊大舉邊
臣請京軍會勦大司馬劉大夏薦爲陝西巡撫兼經理邊務一
清卽率精兵阻遏上疏具陳邊事勦能總兵武安侯及兵備不
職者數人請釋緣事中備楊宏使自效裁抑鎮守中官支應歲
省數千金創城平虜紅古二處以援固原築垣瀕河一帶以捍
靖虜虜遂不敢渡河乙丑又虜數萬人寧夏乘勝直抵固原遠
近危疑一清率帳下五十餘人趨寧夏與曹雄議方略衆遮道
不可參政安惟學曰公行何恃一清曰以身殉國成敗利鈍非

所計也竟去賊圍各馬營見選新兵軍容甚盛賊駭之又聞一清且至乃移侵隆德夜薄城下一清連發火炮響應如數萬人酋長疑我大兵至遂掣衆北走在陝未逾年百務具舉提准靈州大鹽池增課萬五千引小鹽池增三萬引新舊五萬九千九百三十有七引每引納銀二錢五分及收卧引銀一錢共銀二萬七百六十餘兩送固原慶陽收貯買馬支用及於鳳漢二府相兼河東鹽課貨賣皆可行之永久者正德改元 朝廷以邊患方熾兵權大分命總制陝西三邊軍馬一清以寧夏化馬池係要害地虜數由以入率官屬沿邊巡視建策修濬牆塹以固邊防增設衛所以壯邊兵經理寧夏以安內附繼又上四事曰

綏土人曰處額地曰廣招募曰溥賞賚復謂河套者周之朔方漢之定襄赫連勃勃所建統萬城也唐築受降城在河套之北正統以後浸失其險既舍受降而衛東勝又撤東勝而就延綏河套爲虜甌脫巢穴其中水堅入套東寇宜大西寇寧固厥患無窮乃上六事一修築定邊營迤東邊其二修復寧遠塞邊迤西屯堡其三議設花馬池立寧夏後衛及興武衛營立千戶所其四防禦靈州土達改爲守禦千戶其五整飭韋州官軍其六增修黑山鎮遠關墩臺悉中機宜後定邊營至橫城原議三百餘里已築四十餘爲逆瑾所止一清在邊於地之險易官之賢否無不周知度才委任料敵制勝屢中無失尤善駕馭英雄激

賞士卒俾樂於效死故戎敵畏服稀侵犯焉正德二年歸丹徒
五年寧夏賊臣挾安化王寘鐸以叛殺鎮巡太監都御史總兵
等官僞封官爵朝廷命御用監太監張永總督軍務一清就
彼提督軍務涇陽伯神英佩平虜將軍印充總兵官統率京營
兵三萬會合陝西諸鎮兵馬分道進勦各賜璽書得專制以
軍法從事且命戮正渠魁脅從罔治以功贖罪者得從賞格
先是陝西總兵官曹雄約會諸鎮將官協謀討賊師次靈州寧
夏遊擊將軍仇鉞初被何錦賺調入城已而糾集義兵斬賊帥
周昂并殺其黨執寘鐸父子眷屬械繫之擒何錦丁廣於大壩
餘賊悉就縛諸將罷兵而道路相傳將洗寧夏城一清恐激成

大患上䟽乞將京軍取回以安反側之心以免供億之費遣百戶韋臣齋牌星弛至寧夏曉諭本城官舍軍民爲大賊已擒地方無事天子遣一二重臣來撫定爾軍民上得捷報召涇陽伯以其兵還勅張永仍乘傳至寧夏偕一清撫靖地方起解寘鐺眷屬并逮繫諸罪人張永乃罷遣所部兵歸京營獨率麾下數百人兼程而來初所與爲亂者懼不免出危言相恐喝脅從之徒胥懷疑貳觀望以動闔城凜凜恐玉石俱焚裹糧謀出走者踵相接且兵亂之後官司不能令其下體統蕩然一清乃出給告示奉宣德意以爲寧夏之變造惡止是數人其餘俱被逼脅顧戀身家勢非得已朝廷止誅首惡不究脅從有功

者許錄用況近日誅賊建功者亦皆夏城官兵可見從亂非其
本意自今官舍軍民各供乃事服乃役莊屯農業市廛交易各
寧止勿疑畏各部領官員加意撫恤不許聽人讐攀誣指官軍
體統素定各遵約束不許互相猜忌敢有捏造流言扇惑人心
及以下犯上不遵紀律者治以軍法比至韋州與侍郎陳震交
代尋至靈州時實鐸父子官眷并何錦申居敬輩俱分繫千戶
所獄并驛遞空倉數處張永約往視之實鐸指諸兒孫訴無衣
被問之鎮巡云府第物皆沒官別難措置張永曰不然彼固有
罪系出 宗枝當生致之 廟闕豈可令其瘐死 命各取其
所收衣鞋被褥數事給之何錦見一清哭曰我公不去鎮錦輩

豈得至此一清數之曰朝廷何負汝輩敢爲背逆錦曰本鎮官
兵遭鎮巡誅求逼迫怨深入骨故得乘之爲亂實欲爲下人息
肩一清曰旣欲作奸男子何不奏發其罪待 朝廷誅之錦曰
彼動以劉瑾爲詞發之無益徒自速禍張永微笑時瑾焰猶烈
一清不敢有言申居敬等皆大號曰我輩昔皆公所選戰鋒精
兵爲官司剝削所苦又誤聽周昂之言至此實不與反謀願寬
其族張永一清又命監守選壯健女婦數十人伴監其妃嬪及
諸宮人不許男女混處鎮巡公移逮上當千餘人一清慮其事
同情異宜有區別又恐有律不該連坐之人混逮其間乃會張
永檄鎮守撫按督同三司官審取各的確供詞分別首謀共謀

隨從等第稽冊按籍調其族鄰老長於是堂姪以下子婿許嫁之女并顧工人役出之凡百餘人惟申居敬等六十家平虜城官舍徐欽程保等一十一家法當連坐一清謂申居敬等一聞周昂逆謀卽有樂從之意殺人劫財乘機爲亂若欲比諸脇從則情重法輕但舉事之日方預其謀義兵一動當卽戢止比之原謀首惡事有不同徐欽程保等聽調從逆但當事後方入城不曾相助殺掠俱止宜逮其身而繫其家屬以俟誅正犯而徙其妻子奉下法司議從所擬全活者百餘家初詞事者報賊黨未獲尚多張永在途調取固靖蘭州官軍三千員名并陝西遊兵三千至是俱集靈州寧夏城復驚老稚婦女走避山野留壯

者持刃居守一清告張永曰地方已不用兵調來人馬徒費芻糧宜卽散遣之張永曰人心難保逆黨不盡殄誅將遺後患一清曰公謂逆黨猶有幾何曰訪有姓名者百三十人一清曰夏城大變之時迫脇爲亂者何止百三十人但節奉詔勅惟首惡不宥脇從之徒悉與放免今何錦周昂丁廣三首惡旣已擒斬賓鑄等眷屬已拘解又擒斬同謀正犯百十餘人亦足彰

天討正國法此外漏網雖不能無只可一切置之不問若再行尋究則人人自危縱不敢稱兵相向大衆一呼逃往山後陰中如何收拾吾輩此來正須安靜地方勅旨諄諄以撫按軍民爲主若激成他變何以復天子之命張永默然一清恐其意

不解作一書投之次日乃曰先生言是但遠調而來待吾賞勞畢遣之一清曰不知賞勞當用若干令巡撫查支無礙官錢送用張永笑曰吾昔用此地官錢返留形跡在此所司乘機將別生弊端遂將自帶錢物量途程遠近給賞官軍有差各遣回營適山後節報聲息一清與張永議令仇鉞史鏞回鎮城因檄仇鉞領兵於寧夏北路史鏞於南路各按伏夏城之人聞河東兵馬已掣散而二將分兵各按兵邊堡知其爲北虜也始帖然寧妥逃者歸室家相慶無復驚疑一日一清告張永曰恩威當並行不悖大變之後堂陞陟夷不復知上下之分恐漸不可制維時造僞命僞符手刃大臣者戕殺主將而奪其家者有遺姦

焉將無以善後宜密令所司捕之張永笑曰如脇從何且與先生靈州之言異矣一清曰始至人心未定當示之以寬今恩澤已覃衆志既定所當誅者纔十數耳他無顧慮况好生者天子之德執法者人臣之義吾儕受命傳制須權其輕重豈可膠於一定以遺患將來張永曰諾乃密諭鎮巡捕得指揮馮經等悉伏厥辜輿論稱快張永一日又曰訪得總兵楊英仇鉞乘機將安化府第金帛并犯家財物取以自私各數萬兩楊英又將應捕人犯得錢縱釋此法不可恕一清曰某亦聞之然無定可據恐是仇人怨家流言相傳大功既成則小節似不必深究一旦反逆之徒皆得以脇從釋放而以暗昧不明之言是究一

二有功將官非惟體面不宜又似與反賊報仇張永首肯久之
曰然初張永總督命下西人震懾畏罪然雅性靜重所過秋
毫無犯與將士同甘苦行不乘輿暑不張蓋日給公廩數升餘
雖片楮莖蔬無所取用恒以已貲散給澤下從隸斯役無不沾
惠駐靈州及夏城兩浹旬所隨從貴近數十輩部曲五百餘人
寂然遵約束無敢譁者居人若罔聞知又嘗語及慶府事一清
謂慶府當寘鐺反逆之時不能論諸王并力戰守及播告本鎮
官兵協謀討賊顧日往朝賀行君臣禮將祖宗賜寶露儀仗
送與僭用又傾其所有金銀幣資給亂兵失諸侯維藩之義且
事起交結變生飲食間當爲後防遂會奏以聞請勅切責

戒及申明禁例通行天下以杜交結之弊防禍亂之萌又以寧
夏東路與武營密通河套武備單弱請以賓鐸典仗所官軍編
充興武營戎伍皆荷 俞允遂削慶府護衛逮其承奉長史等
官於京皆謫戍邊七月張永北還渡河將處置寧夏事情各遣
官會奏別於中驛謂一清曰先生自愛某當具述先生賢勞不
敢隱蔽一清曰不然某病廢之餘 朝廷以戎事起用義不敢
辭強自鞭策昨在夏城病脾不能食賴公藥而愈茲幸地方無
事便須上疏乞骸骨公善爲調護使得早歸江南無他望也張
永笑曰吾平生不欺欺君遂上馬去一清還靈州差指揮符深
進繳提督軍務勅專行總制事靈州土人素苦漢官科虐一清

昔時多所釐革轍尋踵作且益甚焉至是紛相詰訐以大亂之
後爲除其害而不深究其人減科徭十之二禁濫派接遞以恤
人馬又閱土漢官兵於教場巡視各邊堡閘舊築邊牆自紅山
橫城高厚堅完儼然巨障惜成功之難嘆前志之未遂感而賦
詩有老去寸心猶不死仗誰經略了餘忠之句復入城遵奉

勅諭督同鎮巡訪求各營衛部伍之賢否而更置之然後約法定
令以從人便謂邊軍之困本由科差煩重而私役買閹爲弊居
多且屯軍地去糧存以爲恒患逃遁萬數而湖地草灘半爲將
領所據反累軍供採取以自封殖法之當行莫急於此於是鎮
守太監弼聞之退出役正軍二十名總兵楊英仇鉞遊擊將軍

史鏞監鎗少監馬良各有退革共二千餘人楊英又將所收革
離湖地呈退三之二畝以下退有差盡歸之官以助邊儲乃行
巡撫將本鎮馬步軍士稽查實數造冊在官凡有征調全隊以
出一切雜差循次撥用無得脫者賦役始均又通行各城堡一
體查處禁革條陳地方急務十數事上之其大者如請蠲盜反
各路旱傷稅糧以卹困窮溥賞賚 恩典以安反側乞旌罵賊
而死都指揮楊忠孝等逃難而領百戶張欽等門閭仍廢卹其
兒男以勵臣節改調管糧叅政等官及復設按察司僉事兼理
邊儲極論城堡積缺之請發帑帑如舊例召商輸納以免派買
滋累民之患皆與劉瑾意相忤比瑾敗誅該部復奏皆報允可

又奏總兵楊英喪失之餘士心不附但人才難得用之他鎮猶有可觀乞將楊英取回調用薦副總兵仇鉞其名素著參將保勳志節兼優選擊將軍史鏞才略出衆皆可大用又條陳河西事宜欲調延緩寧夏陝西三鎮兵馬分道而進驅逐出境遠避然後修復沿邊舊守墩臺城堡以圖經久無患莊浪參將魯經告變乃選靖虜蘭州健兵一千令指揮陳松統領馳往援之兵至而賊避自固原至蘭州邊城糧草所在饑乏河西尤空虛軍士多枵腹生怨詔乃量發各帑藏官銀贖令兵備守巡二司官分路招糴酌量城堡大小事勢緩急分派運納以暫舒目前隨將議處儲蓄數事差人馳奏又奏劾固原守備趙洪貪婪剝害

洮州守備高謙柔懦不立俱嘗黜革舉指揮趙濟路美等代其任是時延綏鎮巡奏欲因燒荒會諸鎮兵搜索河套零賊一清上疏以爲漢中流賊未平調去沿邊官軍數多邊城空虛邊儲缺乏而河西達賊日肆搶攘又恐河凍之後大達賊兵入套各鎮兵馬正當蓄鋒養銳以俟今乃無故出境搜索縱得數輩老弱殘敗餘寇何補於事而往回動經旬月靡費糧料傷損馬匹所得不償所失且舍門庭侵犯之虞而尋伏藏逃難之賊取笑外夷又遺書當道極論其事竟寢不行未幾吏兵二部咨有

旨命巡撫寧夏都御史馬炳然還鄉終制而不補其缺令一清專在寧夏居住撫馭蓋於套總制之權也及瑾伏誅召爲戶部尚

書加太子少保歷改吏部入閣致仕嘉靖四年再起少傅兼太子太保改兵部尚書兼左名御史總三邊卽以最且切四事上疏謂邊儲莫急於開引中鹽邊卒莫先於召募選擇將校莫先於訪求器用要害莫先於分兵控制俱蒙從行及大學士楊廷和蔣冕毛紀去位再召入閣詳內閣

才寬字汝栗直隸永平府遷安縣人成化戊戌進士坦閣曠達不較小節喜建功名初任西安知府惠民禮下晝則接訟牘夜則飲宴遇事裁決如流皆談笑應之後正德二年以副都御史巡撫甘肅地方自許襄毅經略哈密以後號稱無事及正德初曹元繼之結黨逆瑾倫處恬逸無復宿謀於是奸孽漸萌寬任

情裁決綜理未周三年改撫陝西行事磊落如治郡時條彙粗
立尋遷刑部左侍郎未任復改兵部四年陞工部尚書俱踰季
而遷會楊一清忤逆瑾養病命以本官兼副都御史總制陝西
三邊軍務抵任慷慨好野戰不拘陣略一切裁決自將值大虜
在套率師由興武營擊之斬首數十級徂勝深入忽伏兵起中
流矢卒於陣事聞厯子百戶錦衣衛世襲

陳震字文靜陝西慶陽衛人上世武進人曾祖肆從 太祖定
天下累官都督僉事厯子儕蔚州衛同知正統間改慶陽衛父
福夢老翹以玉麟與已曰是汝子當以文易武震生而疑重河
遠人咸異之長受易於鄭州王先生未幾有內艱依叔父祿胤

若已出得肆力於學成化丁未進士弘治元年擢監察御史風采凜然十年陞山西副使不尚嚴峻十五年陞山西按察使屢任素無善狀正德元年以御史盧儀事誥誤坐罪謫兩淮運司同知尋轉長蘆運使本年致仕四年以附逆瑾吏部張綵薦其才矯旨起光祿寺卿本年改提督四夷館太常寺卿五年陞戶部右侍郎與逆瑾相爲表裏瑾亦倚之爲腹心會寧夏寘鐫叛衆議推楊一清爲總督軍務瑾屈於公論不得已從之然度一清必辭矯奏差震改兵部右侍郎兼僉都御史先往討寘鐫暫行總制事待一清至交代卽回實記震彌縫其失與其成功將柄用之會總兵曹雄擒賊黨仍命一清同太監張永撫靖地

方震將寘鐺眷屬并何錦輩俱械送北行欲以獻俘爲功一清
以事干 宗室既無 上命豈可擅發且人心未定處置少疎
恐生他變又各犯有原謀脇從情狀不一不審鞠得實一槩解
京莫適爲證將無可活者矣乃遣官齎鈞帖馳往止之如已渡
河則收繫靈州以待是時張永已宿平涼聞之怒亦遣旗牌官
往止之至韋州張永會一清曰寧夏鎮巡將王府官眷不待吾
至先發過河可乎一清曰論法誠不可但各官無別意只因人
心驚疑恐生他變早出門一日省一日于繫而已永曰聞此事
皆是陳侍郎張主欲以爲功一清曰此恐不然賊平是四月二
十三日後獲夜不收申時敬是五月二十一日陳侍郎六月初

二日方到寧夏豈敢以爲已功況鎮巡御史三司官俱在豈可獨歸咎一人張永曰陳有倚仗乃敢一清曰亂臣賊子人人得而誅之此皆反賊各官所行縱有不是朝廷或不深責况傳聞之言未必皆實到彼再看如何張永意解乃曰各官連連奏捷只是要封侯伯一清曰譬如人家父母心上有事爲子孫者一聞好消息便當急報以寬父母之憂豈有隱而不報之理張永曰固然固然比震與一清交代張永詰震前事震欲釋其怒遂言老太監之來風聲甚大雖未至地方前所遣旗牌官督令鎮巡將申居敬等捕獲人心始安不然事變未可知張永曰今早爾差人齎來揭帖亦有是言吾豈欲以是爲功吾性非貪功

者且欲震仍回寧夏震辭以爲既與楊總制交代似難復回一
清曰渠已得代復回無名張永曰諾震遂歸慶陽永幾永還京
瑾伏誅震亦除名

張泰字世亨直隸河間府肅寧縣人成化戊戌進士授鄒平知
縣敷政愷悌不尚嚴刻民多宜之以薦舉行取擢陝西道監察
御史在道不爲奇絕之行而所守亦無物議弘治 年歷陝西
副使進按察使十四年陞河南右布政丁憂十七年起復補山
東右布政十八年陞陝西左布政使正德元年陞都察院右副
都御史巡撫陝西地方泰在陝西最久歷舉落以手巡撫俱循
常供職而風裁未揚於官歲亦無大玷三年遷大理寺卿時逆

瑾竊柄泰以機術善承之不爲忤亦知自全不入其黨故瑾敗不及禍五年遷刑部左侍郎六年陞都察院右都御史總制陝西三邊軍務在邊軍功未振但行部過蕭疏西郭故道以興水利復開小渠以利城居者餘悉由東郭出以達於川甫彌月隍塹週滿人沾其利八年卒於固原贈刑部尚書

鄧璋字禮方順天府涿州人成化丁未進士授南昌府推官擢江西道監察御史累官南京刑部左侍郎正德八年陞都察院右都御史總制陝西三邊軍務在鎮未有建明西陲自弘治五年哈密衛都指揮阿木郎與達賊野乜克力引路搶殺土魯番人畜又尅留土魯番賞賜衣服土魯番王阿黑麻率衆來哈密

刀裂死阿木郎以陝巴係親枝不知阿木郎所爲不殺攜歸土
魯番出是哈密失守 朝廷命侍郎張海往經略之海素有學
術至彼上言遠夷不可加兵來則厚撫叛則拒絕之而已 朝
廷用其策至弘治十一年阿黑麻因不得通貢自將陝巴送回
復立土魯番通貢如舊弘治十七年哈密屬夷阿孛刺等怨陝
巴掎剋陰誘阿黑麻子真帖木兒來哈密陝巴棄城走沙州真
帖木兒亦退避刺木城曰我來恐達賊奪占哈密耳若有人來
守哈密我歸本土無他意也鎮巡官差官舍董傑等同哈密衛
都指揮奄克孛刺寫亦虎仙過哈密無諭夷衆仍令陝巴守國
阿孛刺等不聽欲真帖木兒守城奄克孛刺等將阿孛刺等六

人擒殺餘黨方纔具服董等回報鎮巡官復差都指揮朱瑄統領官軍送陝巴到哈密復立時阿黑麻死諸子仇殺真帖木兒不肯還願依奄克字刺暫住哈密朱瑄恐陝巴懷疑生變携真帖木兒甘州羈住正德七年放回陝巴死于速壇拜牙郎立貪酒色不行正事屬夷哈即欲謀害之正德八年走入土魯番土魯番王速壇滿速兒令頭目火者他只丁占守哈密遣使遺書甘州鎮巡官曰哈密城金印在我與我段一萬將城與他差去使臣速打發出來不來我領軍馬往漢人地方去璋同都御史趙鑑以土魯番書聞且言逆虜所求不可允乞照先年差件郎張海故事差官經略廷擢彭澤總督軍務御史張麒上言既

有鄧璋總制不宜復令彭澤總督又給事中王江上言治病者藥無二君奕棋者局無二帥不宜並用二人總制戎務俱忤旨及赴甘州會議哈密事璋控制疎略又不據險守要虜乘隙大舉由花馬池入寇固原直犯隴州荼毒生靈以失機開仕後起撫甘肅歷南京戶部尚書詳南京戶部

彭澤字濟物陝西臨洮府蘭州衛籍湖廣長沙縣人弘治庚戌進士授工部主事正德八年累官太子少保都察院左部御史總督四川軍務出征叛賊先剿殺四川漢中劇賊廖麻子諭思倭次征內江駱松祥卒討崇慶州范藻薶盜悉平秋毫無犯九年命總制四川湖廣陝西等處軍務經略甘肅地方初略審之

變自弘治七年命甘肅撫臣許進經略有功至十年阿黑麻畏服送忠順王陝巴并原奪勅印抵甘肅上降勅令阿黑麻滌慮自新而差官護送陝巴及苦峪人入國於是哈密復興番衛底定邊關無微西域咸通是後哈密地復爲土魯番占據我師至則爲哈密暫定師還輒復據之至九年土魯番貽書甚倨廷議鄧璋恐不能成功故推澤經略議曰番夷挾求賞幣不可與差官經略不可行請命彭澤徵調延寧人馬外迫番夷內逐達賊請勅都督奄克孛刺寫亦虎仙等共守哈密又勅赤斤等衛如遇番夷內侵併力捍禦又命侍郎馮清專供甘肅軍餉適土魯番火者他只丁入寇甚慘遣人來甘肅州遺書曰

送段來澤以番夷好利可以利啗遣使講和贖取哈密城印上
奏土魯番連壇滿達兒王畏威悔禍已將城池金印獻還西陲
事寧乞休致十年召掌院事十二年兵部尚書王瓊劾澤等欺
罔乞令法司按實議罪會多官議戶部尚書石玠以爲大夫出
使於外苟有利於國家專之可也今事須再勘王瓊曰納幣虜
人失信夷人致貽後患於國家利乎不利乎事已勘明更勘何
事衆不能奪奏上澤罷爲民後起太子太保兵部尚書詳兵部
胡端敏疏云昔我太宗文皇帝雄武冠絕古今徼外四夷無
不臣服是以其子元之遺尊阿魯台爲和寧王馬哈木爲順寧
王西封脫脫爲忠順王東北置奴兒干等都司衛所二百餘處

皆以撫綏戎落藩屏中國至於南討黎犛復古中國之地建立
交趾布政司尤爲偉績 宣宗以來黎賊復據交趾殺官劫印
不可勝記阿魯台亦爲馬哈木所併東北各衛所亦兼併不常
存亡莫考 先朝皆置之不問蓋不勞中國以事外夷所以保
我子孫黎民永固塞業尤得古聖王推亡固存之道也乃惟哈
密遠在萬里其主脫脫之後已絕自其主國王母以來三被土
魯番殺擄占奪城池 廷臣無敢直言請以 先朝處外夷之
法處之者乃強求其親黨曰罕慎曰陝巴而立之旋被占奪今
其民回回一種久附土魯番爲傾本國哈刺灰畏兀兒生達
種已逃附肅州依我存活不敢復歸其王并牙郎自願拔附土

魯總督經略仍請 勅一道齎諭番酋速壇滿速兒并火者他
只丁欲其獻還哈密城印將并牙郎送回本城居守夫并牙郎
自願歸彼雖令復守本城亦其臣屬也於我何益又 勅一道
令奄克孛刺回還哈密與寫亦虎仙同守城池夫寫亦虎仙爲
彼占據哈密而奄克孛刺避難來歸今使之還是驅入虎口也
一時 廷臣失處如此彭澤素懷忠勇身任其事乃亦依阿不
行執奏而苟且行事不終而還哈密城池忠順王真有嫡派應
立之人 朝廷與之金印助之兵糧數萬到彼爲王誰與之守
蓋不過一二年復爲所奪益彼富強辱我 皇命且使再得金
印城池以爲後日措勒索之計耳於我中國何益也夫土魯

番變許多端善爲反間其欲間我附城屬達使之激變則稱哈刺灰畏兀兒稍書交他來其欲間我謀臣使之受罪則稱壞事
的都是陳都堂以的納咱兒前說著來這裏把巴歹起發了饋
你飯米賞賜又言射死火者他只下惱了人馬往甘州城殺了
一日其欲使彼番使得通內間再無阻害則稱王子見因漢人
殺了火者撒者兒并寫亦虎仙父子故來報仇夫自嘉靖二年
十月進獅子夷人已遞番文開稱番使被乜克力搶了馬又遇
達子殺乎人速壇滿速兒要動人馬一定來肅州甘州三年五
月初三日寫亦虎仙子米兒馬黑麻等在甘州臨刑口稱八月
裏王子人馬如麻的來聞彼四月已收人馬八月果至則其造

意通謀已久豈爲殺彼三人報仇亦豈爲陳都堂反哈刺灰畏兀兒使之來也其恐我復結瓦刺爲之後患則言七八月裏領着瓦刺達子還要往漢人地方上去而竟不來其變詐何可信也其自正德六年得送回伊弟真帖木兒因在甘州住久深知風土好過卽起逆心要來侵犯正德九年卽要插旗甘州城門上十年六月陳九疇方到肅州十一年彼自以原許段子不曾與足及拘留番使爲名與兵入寇豈因陳九疇也其先三取哈密城池皆哈密奸細爲之內應其漸置回窩亦虎仙等親黨買屋久住肅州城內而又節差番使倒刺火者斬訖思等來探消息爲通書問一口擁兵徑至城下各回潛置兵甲圖爲內應使

非陳九疇奮身不顧後患即將各回監故打死而又近遣屬夷
劫其營帳遠交瓦剌捨其城池使彼聞變內顧而還則肅州城
池難保無虞臣以爲文臣之有勇知兵而忘身爲國無如九疇
固彼番酋之所深忌而欲殺也惜其後誤信僚屬之公移輕聽
奸回之捏報而妄奏速壇滿速兒牙木蘭之殺則其罪有不免
耳王邦奇奏其仇殺夷使激起邊釁又言二次甘肅之亂由殺
寫亦虎仙等之誤蓋彼武夫輕信惑於流言爲彼內聞耳

陳天祥字元吉弘治丙辰進士正德十年冬虜寇延綏以都察
院左副都御史提督三邊軍務虜尋遁 賜蟒衣三襲加正二
品俸十一年召還詳都察院副都

李鉞字虔甫河南開封府祥符縣人弘治丙辰進士正德十二年任都察院右僉都十六年以兵部左侍郎兼都察院左僉都御史總制陝西三邊軍務在鎮尋常供職邊計非其所長會虜賊天舉由花馬池入寇固原我師失利軍民被虜劉虜掠慘不可言上降旨切責嘉靖二年召還京理部事尋陞右都御史總督漕運未幾改掌院事四年歷兵部尚書卒贈太子太保謚康簡詳兵部

王憲字維綱山東兗州府東平州人弘治庚戌進士嘉靖四年由致仕兵部尚書起兼都察院右都御史總制陝西三邊軍務簡靜嚴肅將士凜然不敢犯時虜賊千餘由花馬池入寇黑水

苑憲調榆林各路兵合擊之斬首三百餘級捷聞降 勅獎勵
加太子太保廕子錦衣衛百戶世襲七年陞南京兵部尚書叅
贊機務尋改左都御史掌院事閑住再起兵部尚書加太子太
保卒贈少保謚康毅詳兵部

王瓊字德華山西太原府太原縣人嘉靖七年由謫所起用以
兵部尚書兼都察院右都御史總制陝西三邊軍務時土番侵
擾甘肅瓊督兵擊敗之八年套虜入寇統兵三萬出花馬池禦
之斬首六十餘級捷聞 勅賜獎勵尋以功加太子太保九年
洮岷番夷寇輦昌命將擊討之斬首三百五十餘撫定七十餘
族降 勅嘉賞又置下馬關門接修邊牆一百八十餘里起懋

水堡至蘭州因地形勢挑壕塹八百餘里據險以守邊人至今便之十年召還改吏部尚書詳吏部

唐龍字虞佐浙江蘭谿縣人正德戊辰進士累官吏部左侍郎嘉靖十年關內大饑民相食朝廷發內帑銀三十萬賑之而胡酋吉囊擁衆十五萬人據河瑞正俺答衆號四十萬亦出沒邊徼全陝戒嚴在廷會議推才望素著者昇以安攘之寄俄有特旨陞兵部尚書兼右都御史總制三邊軍務兼管賑濟事宜上軫念西土若救焚溺其夕詔輔臣討論西事授以德意俾卽內閣草勅坐以待旦云及受命入關躬歷村落宣布上恩區別機宜訓平糴蠲官逋寬私債節用度停勾攝撫

逃移恤民老羸收遺棄散糜粥給醫藥凡十餘事奏報 上大
悅有忠勤體國之懷計所賑丁口凡二十六萬流亡復業者三
萬三千有奇十一年秦又饑復奏請發其賑法仍舊而新活有
加平涼趙時春曰全陝五千里之地帶甲百萬之師不容朝之
孳公以咫尺之掌畫而覆之無遺策焉於是邊備久弛虜每歲
必深入蔓延二千餘里恣其鹵掠而去諸路僅保管壁莫敢誰
何至軍門簡戎行飭器械號令一新士氣皆奮而尤以選將領
明賞罰爲先梁震王効劉文譟勇冠一時皆拔自麾下推誠任
之卒爲名將云龍謂諸鎮帥曰虜徂中國兵不出塞故敢陸梁
夫邊人有奪人之心此兵要也壬辰秋乃親秉鉞帥師三萬出

萬門直指陰山軍容甚盛鞀鼓之聲震於荒落虜驚徙營八百
里不敢輕犯塞矣明年秋虜以精騎三千潰鎮遠關入薄平虜
城乃督震効等分左右哨馳至柳門夾擊破之斬獲一百四十
級虜亟浮河而遁捷聞降勅獎勵有銀段之賜甲午春虜衆
二萬分掠延綏時梁震赴大同故虜乘虛而入乃令趨震還至
清水營會叅將任傑兵繞虜後合戰俘獲五十餘級其夏謀報
虜三千餘潛營嚮水波羅地又檄諸將分布要害嚴兵以俟虜
果猝至張鳳梁震前擊之虜潰乘勝逐北俘獲七十餘秋吉囊
自將十萬騎入營花馬池乃令曰賊寇延綏張鳳王之寧夏則
王効固原則劉文其折衝批亢則委之梁震部分已定虜從清

沙峴犯延安會文率所部赴之設伏以要虜文自迎戰伏起乘
之虜大敗斬獲百三十級王効與虜遇於興武營又敗之獲級
與文同梁震遇於乾溝大戰又敗之俘獲百八十餘計首級四
百五十有奇奪夷器無算二旬之間凡三捷焉兵部奏功曰始
都御史王鉞襲擒虜首四百餘以功封威寧伯尚書王憲以三
百餘級加太子太保廕一子世襲錦衣衛百戶今虜酋親擁大
衆志吞涼朔而唐龍連摧覆之較之往績事勢尤難而功級過
焉古稱一月三捷今乃二旬厥功殊矣乞比二臣特加封廕用
答忠勲竟爲執政忌者所抑賞少薄焉大同之亂與北虜連
王師討之未克乃遣梁震帥兵往援且以計獲虜揚言西師百

萬壽其巢穴矣虜師繇此却顧而震因得以降其城執其首惡
一方底寧其力居多在軍於三邊四鎮山川地形險阨歷歷如
指諸掌爲圖置座隅卽寇至坐而籌之指授諸將方略悉中機
要故動必有功在邊四年至丙申改刑部尚書詳吏部

姚鏌字英之號東泉浙江寧波府慈谿縣人弘治二年己酉領
鄉薦六年癸丑舉進士觀政都察院僅二月丁父憂九年服闋
六月除禮部祠祭司主事一時寮友如虎谷王雲鳳虛齋蔡清
與之辨論經史大宗伯傅瀚特重其文學凡四司議稿必屬裁
訂至今諸司遵之於是都下縉紳子弟及四方慕名者執經聽
講嘗數十百人十五年八月陞本部精膳司員外郎十六年四

月陞廣西提學僉事比至八桂士孤陋不知向方自簡其俊秀
課之立宣成書院於省城延五經師於海內之有名者日相與
進德修業嚴蒞而厚給之雖飲食筆劄之類皆爲之處諸生亦
不知遊學在外也於是夙夜感奮月異而歲不同湖廣徐方伯
乾工侍蔣淦南京奉常張星尚書屠楷此其表表著名者桂人
尙鬼重巫有所謂山魃卓旺者能爲變怪自宗室以至民間戶
像而祀之飲食必禱巫覡假其神以惑民者凡四百人鎮惡其
爲祟作除二妖文焚毀其像痛治諸巫而嚴禁之自此妖不復
作居桂臬甚貧同寮僉憲丁公隆其子夔在門生密餽三十金
辭之不納又以桂林之士爲文無法梓崇古文訣以示之筆時

兩司多以密啟媚巡按顏公願壽獨謂人曰姚先生無密啟我所敬也特疏薦之正德丁卯五月丁母憂行之日諸生送百里外伏地慟哭不能起正德四年十月服闋復補廣西提學僉事桂士喜再至肄業益精五年夏轉福建副使桂士留不得乃爲立生祠於宣成書院之側以報德時同官多有嫉之者欲撓其事桂士曰我諸生自爲之不藉有司之力衆志已定安可奪耶於是祠竟立大學士敬所蔣公每遇督學廣右者必勉以取法姚公是年冬至福建值邵武之建寧被山寇焚掠鎮巡往視之乃籍被兵者凡萬餘家瘡痍之民賴以甦息事竣署臬司印章五月汀州大帽山賊七千餘人攻武平巡按賀泰倉皇走延平

公聞震動檄率兵禦之鎮下興泉集鄉兵赴救賊聞風而遁乃
叅賊形勢請集諸軍討之賊餒甚乃間道走江西破南豐新淦
樂安而巢穴咫尺伏不敢動永定民有賴師智者所部五百人
賊雖數萬不敢嬰其鋒先是爲國禦賊麾下多戰死而賊又陰
襲其家有司不能恤由是師督擁兵自衛不復出兵鎮曰壯士
也撫而用之師智請效死諸軍倚以爲重秋改提學乃以兵事
屬憲副楊璋楊始與賊交鋒裨將被執者二人於是懸繩降賊
首劉龍猖獗不可復制賴師智夜率壯士擊破龍寨復得二裨
將以返斬首凡三千餘人賊黨盡走江西之羊角水而武平諸
巢悉棄不守爲提學方正明敏試卷累數百閱之通夕輒寤死

在首列及諸被斥者皆能默誦其文以故士無不服一被品題輒以次登鄉書無復遺者屢科魁選必素所稱許者得之閩士以是尤服其識鑒興泉無春秋建汀鮮易學爲之延名儒分教下邑閩中五經之學至是始全其連登進士者甚衆凡與江浙等於閩中諸大儒無不修其書院增其祀田以恤其後又以林栗顏棫與朱子爲氷炭而學宮猶有祀之者悉命斥之又講求古禮日與諸生肄之禮文彬彬觀者咨賞中官廖堂者永定人也其姪廖鵬以子囑鎮守太監崔安營求入塲峻拒不許崔怒欲誣奏之弗懼聞權貴往往以子弟之私怨之文選郎中黃河清其男被斥以甘言求亦不答所親或諫之曰公持事太方或

有後悔鎮私謂子漆曰使曲全吾名而終奪吾守此瓦全也卽
不幸有傷吾名而吾所守自固此玉碎也吾欲全吾守又安能
全吾官乎丈夫寧當玉碎他非所恤行之自若於是閩之縉紳
始無訾議見素林公俊每稱其精敏絕倫可追配游公大昇嘗
薦諸當道九年吏部旌方面官之碩望素孚者如天順閣事例
以勵天下僅十有五人副使獨鎮暨湯公沐徐公蕃而已比歸
老之日相去幾三十年莆之諸生猶歲移文省閭不衰五月陞
貴州按察使持憲嚴明鎮守太監史泰戒輯其下宜慰安萬種
畏威名庭叅股栗不敢仰視覲離宜撫楊友播州宣慰楊斌不
協友死其子弘治繼束身謝罪以自表於 朝而播州日與構

彙惟欲嫁禍於弘以撼上官鎮議楊友已死弘又受罪宜量機
弘以舊職使撫其所部而嚴與之約以遏其無厭之求庶幾籌
後之計也衆善其策已而好事者抑覲扶播不用其議覲離鄉
憤怨以兵攻破播州者數四川貴兩省不能制至十餘年而後
定始服其策十年三月陞福建右布政先是署卽章者日有所
入寵賂章於上下比視事一正以法幹錢谷者不責羨餘凡農
民承差失班者惟笞之不聽罰金公庭肅然十一歲秋蒞事場
屋掄才登藝監司一切屬之錄成爲天下最是年秋陞山東左
布政使既抵東藩一如治閩之法京邊轉輸朝至夕遣吏無所
行其詭東岳王女祠遠近奉香火者不絕例使丞若簿司其金

帛歲終送藩公用而藩司恒密取數百緡以給其私鑲至絕無所取守藏吏以銀四千兩舊無標識密送私所正色斥之籍其數於撫按又不以家累自隨者五年囊橐蕭然雖與皂出入寢所其廉介如此時北方有梟賊百餘出入景德間與衆謀曰昔劉六劉七初至此其黨亦甚微比其再至則千百成羣遂爲河朔不可撲滅之禍今宜乘其未集重設賞格以早圖之此亦所謂防患於未形也衆皆稱善募能斬首者與三十金於是士爭效死一戰而擒斬者五十八人餘寇逸去又議武定當南北之衝兵備當設中丞黃公瓚集議奏於朝王兵書瓊以不先白己欲寢其奏因昌言曰盜賊竊發豈兵備官所能制何事紛紛建

白乎黃公瓚聞其言而懼密以咨之鎔曰宜更伸前議不可中止又上議云設兵備本以彌盜也設官而盜不除始可歸咎於官今其官未設逆謂其不能制盜恐非設官責成之本意也王兵書覽之色變持之不上遽先開設武定兵備爲請上特聽之兵書遂忌其才每形於言色青州顏神鎮者礦利所出惡少年蟠結爲盜者無慮數百千人建議設通判一員以制豪梗一方至今賴之銓曹擬鎔及李承勛真定巡撫又擬伍符盛應期四川巡撫先伍被逮貸錢寧銀數千兩以營脫禍伍果得復職寧恐遠去則所貸不可索乃寢原糧以伍處真定盛處四川而鎔復淹東藩命下朝野爲之駭嘆十四年春青萊歲歉人相

食亟發帑銀數萬兩賑之巡按朱嘗以事劾之御史大夫王璟
語冢宰陸完奏鎮才識有爲操履無玷宜仍令照舊供職上
覽奏是之是年十月武宗南巡戎馬聚於臨清者數萬計巡撫
王翊巡按熊相悉以糧餉事委之儲待有素一毫不以煩民錢
寧者責賄不得則謗於上上知其誣不聽江彬尤以寵用事
少忤其意輒拿官以威衆至是彬不得賄又撫按二司相見禮
惟長揖無他屈節其後視他處乃大不然彬甚啣之而未有以
罪也令官校縱橫羅織竟無所指乃執鎮守太監黎鑑家人以
洩其憤適銓曹擬延綏巡撫上覽奏以問兵部侍郎王憲且
曰姚鎮南人恐不耐西北風土憲對曰鎮有文武才略用之足

辦 上然其言時類以諸司奏章自隨入報 上奇其狀貌一
旦鎮舟誤觸黑龍舟 上所御也 上命執驚駕者問乘者爲
誰鎮驛宿不知也舟人以姚布政對 上笑曰是美髯者耶卽
命釋之翼日諸中官以告始驚謝是年冬未得命仍朝京師久
之復還山東迎 駕北上十月 上還京巡撫榆林之命始下
將行本司以二百金餽不受旣至榆林百度廢弛 武宗先以
十萬衆駐驛榆林幾半載公私上下積蓄爲之一空而旁郡又
饑乃調度兵食勞而不擾又厚撫士卒每給月糧分遣旗軍督
送至其家射利之徒不敢圉牽諸將領之家不許私役一兵一
時驍勇敢戰之士悉引見勞之其諸長於應對巧於逢迎有名

無實者置之下等由是士皆思奮始有敵愾之志王兵書瓊者
謫戍延綏忘其舊怨每存問之人多謂爲長者前此諸將兵行
不使有聲恐虜突至然終不能避及巡西路部署嚴整金鼓震
蕩虜登高阜望之曰此大那顏也嚆指引去僉憲張宏謂之曰
公鐵膽也先是鎮城之外虜寇叵測城門晝閉禁民樵採鎮曰
此自蔽之道也乃列兵近邊關城中男婦芻牧恣其力之所取
至募嚴兵衛之而還計一日所入值千餘金於是邊民之困賴
以稍甦先任文都御史貴每墩以磚易土虜掘其下則礙次第
頽落而虜因之以殘我斥堠諸將計無所施鎮令每墩置小礮
貯石灰以俟之虜羣集墩下擲一礮則灰飛滿目隨以矢石擊

之虜不能視則散走由是不敢近邕嘉靖元年夏虜大入至涇
陽去長安不百里全陝大震上遣總制都御史李鉞行邊虜
寇益深本兵及言官劾各邊守將撫臣不能預備之罪乃督責
鎮等鎮以遊擊彭煥有膽略且善格鬪乃使率所部出東路搗
虜不意又募壯士從煥出指揮使卜雲於獄以爲煥貳禡而遣
之煥等至石澇池堡廣設方略誓以死決戰偵虜方解甲而寢
前鋒過之虜不知也及炮發索戰虜悉衆而來前軍又襲其背
虜驍將三人躍馬犯陣卜雲發二矢連殪其二其在後者復爲
副將所中虜氣折而回我軍四面競起乘之彭煥斬首四十三
顆叅將周倫斬首二十一顆獲韃馬兵仗以千計總兵官武振

亦斬首一十九顆於是虜兵之深入涇陰平涼者悉引退巡按
喻茂堅捷聞上降勅褒獎而諸鎮賴延綏之功皆免於罰延
綏舊鮮科目鑄於軍旅之暇嘗進諸士教之是時登名鄉薦者
得二焉三山堡定邊營等處邊牆隳薄卑矮及風沙埋壅虜寇
易入奏請添設墩臺且乞發內帑銀四萬築之上從其請
邊防賴以稍固又以切於邊方者條十事上之嚴禁例聯邊堡
牆清地土重體探廣蓄儲正巡屬別文移敘軍功減煩瑣利器
械無不曲盡上嘉納之西邊將校被叅淹引歲月調遣恒至
闕人乃請軍職徒杖罪以下照雲貴兩廣事例量罰米贖罪免
叅上從其議邊官使之陽和叅將鄭胤榆林人也納女於

武宗鎮人恨之乃舉正其罪神木叅將李永定悍而貪前中丞陳公不能治永定使人謝罪復密有所獻鎮發其姦永定坐是落職而以黃宰代之東路一軍始得帖然副總兵紀世楹家貲數十萬朝之權貴無不結納天下謂之紀半朝一日戕其從弟紀世相楹潛以數萬金求免鎮執令抵罪世楹傾囊賄中官遂從中下其事楹得減死延綏副總兵朱鸞虜至迂道而出每嘆之曰朱副總兵何不作巨囊貯諸士卒耶鸞聞愧甚鎮仍糾其貪殘之狀永定紀世楹鄭胤朱鸞榆林所謂四虎也旣擒治之故憲度軍令爲之一新所治三十六堡每以指揮一員千戶一員守之前此各堡斂銀納上官鎮旣嚴示禁約又密寄耳目察之

每堡無毫髮橫斂者雙山堡之東有所謂柳樹會者舊柳州也
土人于瑾耕地得金磚金甲諸物所值萬餘金鄰人訟之鎮令
僉憲姚文清鞠之間其所自瑾云其下有隧道數曲有巨室三
楹東西皆金銀堆積中則金甲冑數十又有金耳環如今製而
長者數甕所積以千萬計蓋西夏金元故物也姚僉憲請公差
官勘實聞於朝而發之以實庫藏則百萬之積可具鎮曰若
是則人將謂我輩先有所獲何以自明且榆林鎮所少豈獨此
哉于瑾一農夫耳而天賜之不可奪也乃斥訟者以金歸瑾仍
厚封其地以絕後患後至者議求其故地發之旋思其言而止
是年十月回賊驍悍者僅百人推剽盜王本爲首出入兩河

晉間皆被其害所至掠婦女焚廬舍官軍數千人不敢近一日
掠段河葉坪次吳堡之李家原指揮瞿相等將兵禦之被賊射
死賊直至綏德鎮發兵捕之賊已過險而陣追兵不敢逼鎮逆
料敵情先發西路兵邀之於清澗賊首尾中斷始盡殲焉於是
河津數百里絕無盜踪舊時司馬余子俊開創榆林志在拓地
或城堡孤懸或斥堠卑弱一時虜不測我虛實不敢犯邊者二
十餘年自弘治辛酉火篩侵擾之後諸堡日疲於應敵膏腴之
地曠數百里不治鎮議欲規而大之使聲勢連絡而芻牧不擾
且以曠土爲屯田則榆陽之勢始壯奏上兵書彭澤亟欲行之
而工部憚於改作事竟寢邊人有盜虜馬歸者多至數百騎鎮

給賞酬之悉以馬頒諸貧軍之無騎者自鎮還朝馬歲至三千而盡入於將官之家徙市邊患而無益於國去之數載各堡供將官芻糧不絕於道始以軍運身疲則以馬運馬斃則以妻子運窘不能支遂相率降虜或逃之遠方而軍士之苦不可名狀後陝西巡按王儀行部至榆林問邊兵疾苦諸軍哭訴曰往時都御史姚公在鎮旣無雜役亦無橫斂衆皆樂業自姚公去後代者漸失公之舊至肅都御史聽讒納賄軍士罔恤吾鎮人濱於死若欲蘇我殘喘非姚公再來不可儀表其事於朝不報是年冬召爲工部右侍郎提督易州山廠上奏薦布政使鄭毅按察使孫修副使蔡天祐御史徐文華歷舉四臣之美自以

爲不如舉以自代持浙江布政方良永以劾錢寧家居爲言於
朝令有司優貼之又以薛文清理學爲本朝之冠請配享孔子廟
廷輿論翕然稱公及督理山廠上下不敢爲私獨峻拒不與通
率不能爲害山東山西河南柴價鑛但取歲額納罷卽歸不稽
刻由是遠近樂輸一歲間至八九萬緡前亞卿乾沒殆千金密
爲掩之人不知也三年春郊命分獻東海十一月以本官兼左
僉都御史總督漕運辭朝將行值大同兵變金大司馬西征
未還獨右侍郎鄭公岳署部事大學士費公宏石公珤請於
上曰姚鏌才識明敏志慮忠純嘗撫邊方諳曉軍務宜改兵部右
侍郎佐理部事上特從之四年春郊命分獻四瀆每歲慶成

與宴殿中而子深領班一陞左於時大臣父子同宴者大學士石齋楊廷和與其子修撰慎大中丞蓉溪金獻民與其子檢討臯及鎬於三家而已寧夏張都御史璿告慶藩之變朝議將使中丞王時中往視之王避不肯往且曰鎮城多吾舊吏法當避嫌鎬謂王曰是非所宜言王曰何以教我鎬曰大義滅宗況舊吏乎王改容謝之卒往直正其罪戶部侍郎胡瓚率兵至天城相機剿撫事未定而歸時議將以鎬代鎬密主征討別調遼東精兵三千次於山海會逆軍釋主帥桂勇縛不敢加害而當國者怯於用兵遂以朱振代勇大同因之稍寧職方聞虜屯鴈門移文寧夏甘涼備之而不及延綏鎬問何以遣延綏對曰

舊稿所無也。鎔曰：虜若西寇，必先至延綏，奈何遺之？乃如其議。鎔待屬官有過，則斥之不少假借，有善必稱之，不容口衆深服。其正時同事者薦陝西太監晏宏之賢，以卓異稱之。鎔不可曰：二字雖吾黨亦不敢輕用。宏宦寺人也，安可當此？遂竟易之中官。崔文者，其姪指揮崔昂欲求馬蘭略叅將，鵝湖賈宏言之。再三鎔曰：自昔無以指揮獵躋叅將者，執之不與。費又密使人言曰：文權閹也，一旦發怒，爾何以當之？鎔曰：吾不與昂官，則得罪文，與之得罪公，議均得罪也。予不敢犯公議。費慙。五月，陞都察院右都御史，提督兩廣軍務，兼理巡撫。大司馬金獻民密謂曰：公部堂子，狀元人多忌之。茲遠行，無自懟也。金以崔昂爲通州。

守備果爲人所劾，謔笑曰：「我若爲此，則劾金者當萃於我矣。」將行，寧夏將官种勲謀納賄於金司馬及左侍郎鄭岳，事覺，署山廠者其子以賄敗，言者糾之，議者稱其出入二部獨無所累。田州土酋岑猛兵精將勇，正德壬申發其兵至江右撫之，東鄉饒之桃源皆劇盜之地，猛以兵滅東鄉之盜，納桃源之賄，陰使盜逸去，殺平人以報功，猛受賞還田，而桃源之賊復起，殺副使李清執叅政吳廷舉，莫不歸罪於猛。旣輦華林東鄉桃源諸盜之金帛以億萬計，自是富甲兩江，而兵勢益銳，猛遂屠龍州，殺土知州趙相之二子，又攻泗城州，殺知州岑接，屠戮甚慘，又殺歸德知州王通，又強立泗城州官族岑詵，始毒死叅將甘霖，又毒

死指揮方震又毒死通判熊進始結劉瑾中結宸濠包藏禍心
自雄一方上思州土目王糾之叛思恩府土目劉召之叛猛皆
陰主之而陽出兵征討軍門省諭猛若不聞遇一有調遣獨猛
偃蹇不聽節制凡諸土兵之進止多寡遲速皆聽命於猛而不
知有軍門之號令者六七年矣巡按御史張鉞明其罪狀既而
御史汪淵謝汝儀相繼奏之都御史張嶺盛應期太監鄭閏總
兵官朱麟亦奏之至於上隆州武龍州安德州舊田州兼州陽
縣猛皆殺其守令毀其印爲鈔而刻牙代之凡慶賀貢獻之類
則以印章署舊守令名以行鏐時猶在嶺外方以猛爲憂盛應
期已奏調諸州及湖廣永順土兵克期進討兵部悉從其議鏐

至蒼梧始聞盛議勢不可止恐愆師期倉卒調兵集糧而內地
守備虛弱譌言洶洶岑猛將順流而下正月猛揚兵大灘二月
造舟果化三月潛師窺武緣偵我有備乃止鏐亦遣使調猛兵
以弛其謀又諭猛使束身歸罪當請於 朝待以不死猛請守
巡官坐鎮田州然後如約鏐笑曰此非猛來降乃欲借兩司官
以自款其罪耳若墮其計必將遺笑四方不許猛亦終不聽撫
上以岑猛構亂復問以剿撫之宜鏐上疏略曰岑猛一土酋耳其
初本爲思恩知府岑濬所逐致勞 朝廷興師討濬猛始得以
自存時降猛爲福建千戶亦待之厚矣猛擁兵自固 朝廷重
扶弱之義復以猛爲該府同知然猛自是已有玩 朝廷之意

矣後猛於江西有殺賊功賣放賊路朝廷重錄功之誼復授
猛爲指揮同知特赦其罪猛自是益有玩於朝廷且輕視
中國之兵馬矣猛姦雄目長漸不可制構成亂階已餘十歲誠
有如汪淵謝汝儀張貴盛應期鄭潤朱麟所言者願朝廷屢
施寬假之恩而猛愈肆不恭之罪猛之當誅於今已緩臣切惟
廣南之徭徭非土官不可得而治而土官之桀驁不誅岑猛則
亦不可得而用蓋近日之土官猛之威足以脅之猛不誅則土
官未有懲也故欲撫猛以圖目前之安是猶養虎以貽他日之
患臣不能爲此以誤國家但猛所最忌者惟湖廣永順保靖土
兵若土兵一到彼當瓦解土兵未到或機事先泄或調遣過期

猛非束手就擒者一旦竊發必有機智高劫破州縣之擾驚動
嶺表之憂賊兇焰轉增變起旦夕臣不一言非忠也故臣復以
猛之決不可宥爲 陛下言之會永保兵至鎮自督師分兵五
哨蹙之破定羅下丹梁猛子邦彥與其驍將韋好陸綬列十二
營於工堯分道挑戰官軍奮而前斬綬好邦彥被箭遁去其衆
始大潰猛自陣於平馬聞之亦潰於是諸軍集於田州猛乃奔
歸順保諸軍從之歸順土官岑璋者猛之岳父也始亦欲庇猛
俄而官軍四集乃鳩猛傳首南寧而其子邦寧亦病死齊村射
猛之麾下凡十八人擒斬悉盡捷聞 上嘉其功進左都御史
加太子少保廕一子爲錦衣衛百戶且有白金文綺之賜降

勅獎勵潮惠三郡流氓江文賴貴并賀縣蠻莫和乎曾蛇係會歸
雷骨干等肆暴作亂遣僉事施儒討平之亦有白金之賜初沈
希夷者健將也坐累被繫鎮曰用仁去食用智去詐用勇去暴
下城之才豈官輕棄奏復其官至是功冠諸哨果收其用云永
保二兵先以張盛調發中止鎮往調之遷延不至比至值盛夏
既乘勝深入瘴癘方作軍中大疫亡者日衆鎮不能留遂班師
而返獨土目盧蘇未獲而王受梁管者則劉召之遺黨也方召
之被誅盛應期必欲盡殲其黨而巡按謝汝儀者輒封力止殺
受等逃匿未獲至是盧蘇招受等同叛叅將張經叅議汪必東
僉事申惠聞變不戮力抗禦委城而遁蘇遂復入田州執我署

印知州王肅兆而受襲擄思恩然三酋數求赦於鎮寮佐多勸從之鎮曰不可交南之役平而復叛者四麓川之役平而復叛者三太酋假息游魂不誅之以懲後奈何曲庇其罪以偷旦夕之安予乃引咎復奏於朝請軍剿之廣西布政嚴紘失謁鎮責其使啣之喉巡按石金劾鎮失策以致再亂且言岑猛父子尚在交趾助之將破兩廣郡縣以逞其忿又使人喧傳四方人多信之時桂萼張孚敬每於館閣出金揭帖於袖以示諸講官謂兩廣難保遂庵楊一清折之曰任事難議事易宜徐察之二公不聽廣東提學魏校以毀淫祠爲名毀諸名利其田數千畝盡入方西樵霍渭涯諸家鎮至廣命追奪還官方霍恨甚至是

遂與張桂合議排之起用王守仁六年六月以災異例請致仕上輒允之且曰姚某不去則王守仁不來蓋已有先入之說矣遂庵嘆曰凡公卿有才望者輒以計去之豈非空人之國乎張桂又每言大同當征而反撫田州當撫而反征乃費宏謀國不臧以成南北之患其意實主於排宏故也鎮旣得請所調諸軍已集而守仁未至永保之軍請戰鎮造浮橋濟師而石金則抑而不與初永保之兵聞有言岑猛在者瞑目怒曰岑猛我所擒也今謂尚在當生擒二酋以獻於朝以詰猛所在金聞之益懼以故多方阻撓以候守仁之至及守仁至而專意撫之鎮亦抗章論巡按侵軍門之權且備陳一時利害而石金謂撫有十利

征有十害之說於是指以罪鎮遂得閑住之命石金慮所劾無以歷衆心乃遣副使龍誥檢括蒼梧庫藏又稽察軍餉詰責甚苛若絲毫有差將以是污巖之龍以無私告金金怒必使陷之龍退而語人曰我亦有子孫豈可巧詆厚誣以招陰譴金不能加守仁旣撫二酋乃移兵掩八寨蠻破之守仁死以南贛都御史林富代之及至廣而蘇益橫張孚敬聞之謂人曰田州之事恐更爲請方霍固又留林以終招撫之策自十一年後盧蘇肆其詐力殺守仁所立土巡檢六人又殺同事驍將王筭其土岑邦相年漸長惡其擅命蘇亦覺其人有異遂毒死邦相又擁立邦彥子芝又圍泗城以侮岑詩攻鎮安以當歸順殺生予奪一

出於已效龍於猛惡又甚焉巡按曾守約疏其罪惡其略曰盧
蘇謀殺州官法難輕貸若復姑息豈惟縱惡長奸將來效尤必
衆土官人人自危且輕吾無處置之宜而法令愈不行矣自岑
猛得罪已蒙天兵討除猛旣除後若以國法處之明正盧蘇
王受之罪易於反掌却乃掩威專息分立各巡司復立邦相奏
改州治以爲久安長治之策今若不明正其罪則國法不行
綱紀不振而奸雄肆志將來之變竟又不知所之前撫臣招撫
失策土夷驕縱多不用命令欲悉正以法猶恐勢有所不能欲
事姑息又恐人心玩地愈難制馭法當據實上聞至於禁惡已
亂須在兵權壓服非臣所得專擅也奏下兵部不從十二年春

上有起用之 旨八月大學士費宏再相值三邊缺總制尚書

上召費與李時家宰汪鋐於西苑議之費首以鎮對 上曰昔桂

萼有言壞西北之事者彭澤薦之者楊廷和壞東南之事者姚

鎮薦之者卿也吏部推姚鎮者數矣朕爲是尚未用之費對曰

姚鎮於兩廣有功王守仁毀之嫉之壞事在王不在姚也 上

曰然則用之三邊可也且曰傳言乎姑推也費曰請傳 旨

上慨然從之比聞 命卽就遊驍將如寧夏王効固原梁振榆林

劉文皆從行伍中拔之爲喪然所憚而有功必賞樂於聞善一

時軍士願爲效死十五年正月奏寧夏鎮遠關之捷二月甘肅

馬鞍山之捷復以老乞歸 上得疏峻 旨責復令開住門生

遍海內皆捐俸金爲營書院於慈谿東山之麓十六年春東泉
書院成門生前學士白庵豐熙爲記其事初在蒼梧時以記任
自嫌命所司毀桂林生祠而嚴絃石金撤之甚厲越數載提學
張岳至謂桂士曰前所立祠諸生爲之也非姚公所當嫌亦非
嚴石所宜毀悉令復之是年秋南寧守郭楠以舊祠卑隘弗稱
乃請於巡按諸演別立一書院以獨祀之閩中諸士每欲祀之
私議雖定而祀猶未立是年林生阜姚生元輩請於巡按白君
賁立祠祀之禮部郎中林炫舊所取士也爲記之十七年五月
以病卒年七十四

劉天和字養和湖廣黃州府麻城縣人正德戊辰進士十六年

任山西提學副使嘉靖元年養病五年補陝西提學副使六年
陞南京太僕寺少卿未任本年改提督四夷館太常寺少卿木
年陞巡撫甘肅右僉都御史九年改撫陝西十年加右副都仍
前任十一年丁憂十三年起總理河道十四年加工部右侍郎
兼僉都仍前任本年回部十五年以兵部左侍郎兼都察院右
副都御史總制陝西三邊軍務在鎮上封事請設重險以衛內
除戎器以備外於是有乾溝乾澗諸女牆壕墩之設初延寧間
原有二邊城東枕河西過套地東古城諸城又西過東勝州紅
鹽諸池蓮花諸城駱駝山卯孩水至定邊墩止凡袤千二百餘
里成化間延綏撫臣余子俊所修定邊墩又西過花馬池舊城

又西至橫城堡凡三百里成化間寧夏撫臣徐廷章所修是爲
大邊東枕河起焦家坪西過神木諸堡又西過榆林城又西過
乾溝乾澗至三山饒陽水堡袁視大邊亦撫臣子俊所修饒陽
起暗門西過甜水堡過響石溝過徐斌水青沙峴至靖虜花馬
全西至河止凡千三十里弘治間總制秦紘所修是爲二邊乃
後大邊城西橫城堡側虜數入今世廟在位乃命總制楊一
清西趾河東接大邊築新城凡四十餘里後大邊內清水至定
邊營一帶虜復數入又命總制王瓊南枕乾溝北過定邊又西
邊花馬池北又西過清水營北接新邊城築二百三十餘里後
花馬池定邊營所地嫌城惡虜復數入又命總制唐龍中改

築城四十餘里至是乾澗乾溝虜數復入於是未和地起乾溝
南邊築六十餘里總三百里許號新大邊城復於橫城至乾溝
增葺內外女牆復挑築大壕堤各一堤內地給將士樹藝果蔬
圃之爲險復挑築小壕堤各一定邊一帶復增敵臺及守兵乾
溝乾澗增滂池水窖其山增營盤復修徐斌水新邊爲堡據鐵
柱梁家諸泉水是謂重險又制爲有脚輕車強弩諸火器短兵
用器之制強弩準周禮夾應唐弩法及唐宋強弩神臂及先
朝弩制擇弓人爲弩手凡三等凡射及三百步殺禽者爲上弩
及二百四十步殺禽者次之及一百八十步殺禽者又次之一
百八十步殺禽者虜射步以上弓發二百四十步殺禽者虜無

弓可支火器曰佛朗機曰七眼鎗曰三眼鎗曰旋風炮曰神機
箭凡五種凡鎗箭皆易以鉛子利便故也佛朗機者近年得之
南海蠻子者也外有鵝嘯項箭內有提炮盛心鉛子數多一發
輒貫人馬數重可屢發最爲利便又審得省度巧中如射其迅
烈神妙難以具述然造法邊王未諳 上嘗命工部造之以畀
諸鎮此中國長技古所未有凡火器之發當者如迅雷震躬諸
兵盡廢短兵則斧鎗刀鉤凡四種用器則樞鑊鹿角牌面覆車
帳凡數種輕車之爲制也其輪隻其足四其前二足行懸而住
立前獸面牌一爲孔四以安諸火器其傍挨牌左右各一着裙
有樞戰則轉前以蔽矢來輪箱一輪後箱一載戰具用具三牌

間建斧鎗刀鉤諸兵大轉二後向一人推之前設橫木二人翼之前挽者一人一車輪推挽者共十人皆戰士遇敵則四人自內以發火器強弩短兵接則六人舉斧鎗刀鉤突出破敵遇泥淖險阻則四人舉以越雨露則帳以覆之凡此皆中國長技虜之所短古雙輪大車服驂用馬一車非百金不行茲輕車一乘約費二金餘凡大車有死地十故善御者困且矢及無蔽故敵人善射者獲施茲輕車通重百斤計斤唯四人推挽兼舉無險不越凡塗通騎者可進無死地且戰於三牌之內患不及焉故利用優乎大車凡大車載御士騎弓矛戰士二敵亦如之唯勇巧者勝勝負決於倉卒未可億而中也茲輕車戰用佛朗機一

用七眼鎗三眼鎗各一用旋風砲一用神機箭三十弩二虜勇
巧俱廢無兵可支勝負可預決其視一弓一矛戰者利害相遠
甚是謂戎器蓋取諸萃也凡師出百車爲管用步兵千騎兵二
車用火器凡五百強弩二百騎每隊用佛朗機五三七眼鎗五
強弩十餘弓矢翼之計騎用火器凡四百車騎火器凡九百強
弩凡六百餘弓矢凡一千五百車騎火器弓弩交發如霆如雷
無衆不克無勍不摧矣是謂之陣蓋取諸師之臨也戎器成發
諸三邊將徐敎以陣法然倉卒遇敵已可施用前丙申歲冬寧
夏將臣巡邊廣募騎精集謀我危急用車據山口獲免時甘州
有虜數萬轉掠山丹衛將臣姜瑛逐之虜忽大集團擊用百車

爲陣火器強弩四發虜傷無算遂疾驅出境丁酉春正月虜數
萬騎夜至寧夏城外昧爽將臣王效偶出被圍車進輒解是月
邊有警將臣任傑往禦之延綏餉軍食事須瀾卑騎常服驅百
車從偶遇虜以車禦之我衆無損獲首級四十還秋八月寧塞
兵五百餘虜八千圍之騎衝我者十五步衝我者四每衝用火
器強弩禦之虜死傷無算卒紅甲虜酋率衆來衝我用機器斃
之又斃他馬遂皆痛哭而遁我兵保全以歸是月虜四萬至乾
溝邊臣帥兵三千用車架女牆發火器強弩擊之虜人馬斃者
無算卽遁去十九年召南京戶部尚書二十年改兵部加太子
太保提督團營詳兵部

楊守禮字

山西平陽府蒲州籍直隸安州人正德辛未進

士本年除戶部山東司主事十二年陞本部廣東司員外郎本年陞河南按察司僉事十三年守制十六年起復除湖廣按察司僉事嘉靖二年陞本司副使六年降四川敘州通判添註七年陞四川成都府知府八年陞四川按察司副使九年陞陝西按察使十一年陞山東右布政使本年陞本司左布政使十二年陞都察院右副都御史巡撫四川等處地方本年奉 欽依回籍聽勘十四年六月奉 欽依降一級別用十六年降河南布政司右叅政添註十七年陞浙江按察使十七年陞四川右布政使十八年陞山東左布政使本年陞都察院右副都御史

巡撫寧夏地方十九年陞本院右都御史總督陝西三邊軍務
本年欽陞兵部尚書仍兼右都御史總督二十年加太子少保
二十二年十一月守制

張珩字佩玉山西太原府石州人正德辛巳進士嘉靖元年除
山西道試御史二年實授時上頗事齋醮珩以爲言下所司
知之五年改河南道時順天保定河間大饑死者甚衆珩以狀
聞上令巡撫有司賑之仍寬不急之征十二月又奏乞將順
永保河五年錢糧暫准改折及四年所負盡行蠲免俟年豐帶
徵上命緩四年逋負八年守制十一年復除河南道御史本
年陞南京太僕寺少卿十二年陞大理寺左少卿十三年養病

十四年復除大理寺左少卿十五年陞都察院右僉都御史巡撫延綏等處地方十八年陞南京都察院右副都御史提督操江兼管巡江本年閏七月改都察院右副都御史二十年陞本院左副都御史本年革職爲民二十一年起原職巡撫寧夏地方二十二年陞兵部右侍郎兼都察院右僉都御史總督陝西三邊軍務二十四年陞右都御史照舊總督二十五年推總儲戶部尚書未任逮獄謫戍慶陽衛三十一年起副都御史撫延綏三十三年陞南京兵部右侍郎尋陞兵部左侍郎未任丁憂卒於家

曾銑字子重浙江台州府黃岩縣人嘉靖己丑進士十九年任

大理寺右寺丞二十年轉左本年陞都察院右僉都御史巡撫
山東二十二年加右副都御史仍前任二十三年改撫山西二
十五年陞兵部右侍郎兼右僉都御史總督陝西三邊軍務二
十六年典刑

王以旂字士招應天府江寧縣人吳縣籍正德辛未進士任河
南道御史提督學校十二年陞南京太僕寺少卿十三年改太
僕寺十六年陞大理右少卿十七年陞光祿寺卿本年陞都察
院右僉都御史撫治鄖陽十八年陞都察院左副都御史二十
年陞兵部右侍郎二十二年陞南院右都御史二十五年陞工
部尚書二十六年改都察院左都御史本年陞兵部尚書兼督

國營尋以兵部尚書兼右都御史總督三邊三十年加太子太保三十二年卒於官贈少保謚襄敏